

Dama ta perde yiu despues di maltrato di polis

Pagina 9

A tira lot pa play-off



Pagina 18

Editorial

Segun noticia ta bay y bolbe
Nos ta rabia, y despues... resigna?

Pagina 5

Terapista: 'Nos a pensa cu nan no ta maltrata hende homber'



Pagina 3

Vacuna keintura geel afectando benta Aruba den mercado Latino



Pagina 32

Palm Beach, Noord, Arashi,
Ponton, Washington, Hotels

FREE DELIVERY

DAILY 12PM - 11PM

THIN-CRUST PIZZA

FRESH VEGETABLE - IMPORTED TOPPINGS
CHICAGO STYLE SQUARE CUT

**ORDER 1 SPECIALTY LARGE PIZZA
GET ONE MEDIUM PIZZA
ONE TOPPING FREE**

TEL. 586-9807

OPENING HOURS
12 NOON - 12AM

Located at Brickell Bay Mall next to **SAND BAR** on Palm Beach



SADA:

Reunion cu minister presidente riba restructuracion salarial y vigilancia di costanan



ORANJESTAD – Sindicato di Duana Aruba (SADA) tin un reunion pendiente cu minister presidente, Evelyn Wever-Croes (MEP) pa atende diferente asunto relaciona cu e cuerpo uniforma aki.

E reunion aki eventualmente ta tuma luga awe, caminda den nan punto di agenda lo trata entre otro e rol di duana tocante siguridad di nos fronteranan. SADA ta boga pa wak un coast surveillance di Duana mes.

Pa locual ta trata personal pa realisa e trabou aki, nunca e cuerpo aki ta conta cu e personal suficiente, asina Edward Maduro kende ta presidente di SADA a declara na Bon Dia Aruba. Den 18 aña cu e tin den duana practicamente e personal a keda mesun cos. E mesun situacion ta wordo presenta cu otro cuer-

ponan uniforma manera polis y kustwacht, pero e ta haya cu nan no por sinta warda. “Si nos ta keda sinta warda riba personal mi ta kere nunca e trabou por wordo haci.”

Otro punto cu SADA lo trata cu e mandatario ta e convenio cu nan a bin aña pasa cu gobierno pa bin cu un restructura salarial. Na inicio di e aña aki nan a dicidi di para nan trabou pa sostene un reunion cu minister Xiomara Maduro (MEP), ya cu SADA no tabatin un clarificacion di e gobierno nobo riba e parti di e restructuracion salarial aki. Despues di algun reunion cu minister di Financia, nan a logra yega na un acuerdo unda nan ta acepta e convenio aki. Pero si ta lamentabel pa SADA cu un parti di e convenio e gobierno actual, no kier a honra di un grupo di personal cu no ta duana ambtenaar cu ta es-

unnan cu ta traha den e parti administrativo.

Tambe na final di februari ultimo, SADA a yega di informa e mandatario di financia cu nan miembronan a duna gobierno te final juli pa concretisa e restructuracion salarial, ya cu practicamente ta bay pasa un aña caba. SADA tin indicacion for di directie Wetgeving cu pa juni awor, nan lo finalisa e proceso legal aki. Considerando esaki, personal di duana representa pa SADA a dicidi di duna un luna mas di spera pa asina no mas tarda cu fin di juli, e asunto legal di restructuracion salarial lo ta finalisa. “Bo por considera esaki como un death line”, segun presidente di SADA.

“Nos a compronde y e colega a compronde y a duna e gobierno espacio pasobra tur hende sa cu tabatin elec-

cion aña pasa.” Nan a duna gobierno un chens pa pone tur cos na ordo, tambe recientemente nan tabatin tratamiento di presupuesto 2018, y prome cu esey tabatin preparacion pa bin cu e ley aki di pais Aruba.

Personal y material

Segun presidente di SADA, nan a yega di bin cu idea innovativo pa pone personal disponibel pa haci e trabou di vigilancia di nos costa. Pero nan ta lamenta cu e director di Duana ta keda uza como excuus cu no tin personal. Mientras cu SADA ta keda kere cu unda tin boluntad, bo por logra.

Sinembargo ademas di e boluntad pa haci e trabou e mas principal ta cu nan tin colega cu ta dispuesto pa haci e trabou pa vigila nos costa. Nan tabatin un encuesta aña pasa cu a wordo organisa bou e trahadonan di duana unda a resalta e tipo di trabou cu nan kier haci. Den nan a resalta cu nan kier vigila y/of cuida nos costanan y comunidad di Aruba pa tur loka ta drenta ilegal, ya cu den tur parti di mundo Duana ta e prome yama pa cuida costa, pero

akinan no ta wordo considera parti di nan trabou.

Pa SADA esaki ta inaceptabel y incomprendibel. Ya cu e mesun director cu a yega di realisa full un carera den cuerpo di duana, y tempo cu e tabata den e mesun posicion cu mayoria di personal di duana ta awendia, tambe a yega di realisa trabou di vigilancia di costanan. “E sa cu esaki ta parti di trabou di duana.” Sinembargo ora cu tur hende a pensa cu den su funcion como director e lo bin cu tur e trabou aki bek, lamentablemente esey no a sosode.

Encuanto necesidad di material pa realisa e trabou aki, SADA no por bisa precies cuanto material nan tin disponibel. Pero riba cierto material e sa cu nan tin suficiente. Tambe nan sa cu tin cuater vehiculo cu gobierno a cumpra aña pasa y cu a wordo modifica pa haci e trabou di core costa. Pero SADA ta kere cu si ‘e director por a actua mas diligente den esaki y nan mester prepara e cuerpo pa realisa e trabou pa vigila nos costa, no aworaki sino dos pa tres aña pasa’.



‘Traha pa sanea trauma di hende homber mas efectivo cu cera nan’



Ta un stap importante pa traha di e manera aki, segun e terapeuta, pasobra segun investigacion preliminar haci na Canada, 95% di hende homber cu ta comete violencia domestico ta sufri di trauma. “Hopi di nan a wak violencia domestico na cas, y esaki ta bira un patronchi pasobra hopi biaha loke bo ta wak ta con bo ta kere cu bida ta.”

Pa bin cu esaki lo yuda personanan cu ta comete e tipo di actonan asina, lo por yuda nan eventualmente pasobra maske e persona kibra cu un pareha, e patronchi aki lo persisti den cualquier relacion cu e haya su mes den dje, segun sra. de Kort. “Mi a yega di haya personanan cu tin varios pareha y asina cu e relacionnan ta cana cada un ta caba na violencia domestico. E ta manera un cadena. E ora ey bo tin cu haya sa con pa kibra e cadena.”

Sra. de Kort ta haya cu mester traha mas basa riba e concepto aki, tanto di husticia curativo, esta pa yuda personanan resolve nan problema y no simplemente cera nan si nan a comete violencia domestico, y pa cuminsa traha riba hende homber tambe.

‘Nos a pensa cu nan no ta maltrata hende homber’ Riba e ultimo aki sra. de Kort por mira cu na Aruba ‘casi no tin un base pa traha cu esaki’. El a comenta cu tin un fundacion pa hende homber, pero na su conocimiento e no por mira con activo esaki ta.

Pa yega na mas comprension pa esaki sra. de Kort a subraya cu nos tur como sociedad ta hunga un rol, pa papia di emocionnan y aspectonan cultural cu ta considera taboo, cu lo por yuda den futuro den e manera con hende homber y tambe hende muhe ta anda cu emocionnan.

“Prensa tin un rol, mayornan tin un rol, nos institucionnan tin un rol. Un hende homber tin emocionnan mescos cu hende muhe. Si nos cuminsa cambia e manera di pensa aki por bin cu den futuro por ehempel un cuerpo policial por yuda un hende homber y acepta cu nan a maltrat’e en bes di wordo hari.”

ORANJESTAD— “Si bo wak riba opvang mes, no tin un caminda cu un hende homber por bay si nan a maltrat’e. Nos no a pensa riba esey. Nos a pensa cu hende homber no ta topa cu maltrato. Pero mi a yega di topa nan aki [den mi oficina], blousa, bati y no kier a bay cas, cu miedo.”

Pa Enid de Kort, terapeuta di pareha na Departamento di Asuntonan Social, e problema di violencia domestico ta un patronchi cu ta keda ripiti den cierto conducta cu tin den tanto hende homber como hende muhe, manera no tin e habilidad pa comunica sin resorta na violencia. Manera nos a publica siman pasa, e terapeuta ta haya cu ta importante pa ataca e problema di violencia domestico unda e por mira tin falta di atencion: riba hende homber.

Manera sra. de Kort a clausura den nos ultimo articulo, su persona como un terapeuta cu mas di 20 aña di experiencia por bisa cu ademá di enfoca riba hende homber, e por mira un gran cantidad di divorcio cu ta tuma luga na nos isla.

Aunke e terapeuta ta descarta cu divorcio ta algo negativo, mirando cu ‘tin biaha e pareha di berdad no por biba cu otro y ta miho pa nan ta separa’, e ta preocupa pa e personanan cu ta criando den famianan cu structuranan moderno of mixto. Sra. de Kort ta ilustra esaki por medio di muestra cu ora un divorcio tuma luga, hopi biaha e estructura di e famia ta cambia, agregando asina parehanan di mayornan na e estructura familiar. Esakinan por bin tambe cu nan propio yiu cu ta amplia e famia mas ainda.

E desaroyo aki ta loke ta pone cu sra. de Kort ta enfocando mas y mas riba parehanan, specialmente despues di tuma varios tayer na Canada. “Na Aruba tin hopi problema di relacion entre pareha, te hasta pafo di homber cu muhe, pasobra awendia bo tin parehanan LGBT tambe, cual mi ta topa tambe den mi trabou.”

Esaki no kiermen cu e tipo di famianan aki ta malo, si no cu e por ta un poco confuso pa e muchanan, sra. de Kort ta expresa. “E ta hopi mas complica, y podise lo crea problema pa e muchanan ora nan crece por tin un bista riba ken ta nan ehempel, modelo of cua familiar nan a conecta mas cu ne.”

‘En bes di cera hende ataca e raiz di e problemanan emocional’

Den un tayer na Canada titula husticia curativo (Restorative Justice), e terapeuta a mira cu mas y mas internacionalmente ta enfocando riba no castiga hende cu a comete violencia domestico, si no cu ora esaki tuma luga nan ta bay un programa pa restaura nan mes.

Esaki mas cu claro no kiermen e persona no mester para responsabel pa loke nan a haci, si no cu ta trata e problema di un manera cu por trat’e di tal manera cu ta yega na su raiz. Te hasta den e sesionnan aki ta trece e persona su pareha y yiunan, segun sra. de Kort.



ATA a haci entrega di su di shete rapport anual



ORANJESTAD – Diaranson ultimo a tuma luga entrega oficial di e Rapport Anual pa aña 2017 na minister di turismo, Dangui Oduber (MEP).

Esaki a wordo haci door di Ronella Tjin Asjoe-Croes, CEO di A.T.A. den presencia di presidente di miembronan di hunta di supervision di A.T.A. incluyendo, Cisco Quant, Maarten-Jan van Romondt, y Jeanne-Marie Bislik-Oduber.

Di parti di oficina di turismo tawata presente Sanju Luidens-Daryanani, CMO di A.T.A. y Dyane Vis-Escalona, business manager di A.T.A. A demas tawata presente Gerald Tsu, consehero di minister di turismo y representantenan di Ernst & Young.

Conforme ley, tin dos momento clave pa oficina di turismo, e prome ta ora di haci entrega di e presupuesto pa e aña siguiente y e di dos momento ta ora di entrega e rapport anual cu e resultadonan di e aña anterior. E rapport anual ta consisti di un rapport general, financiero, y un parti unda ta elabora riba e trabao di e hunta di supervision.

Den e parti general di e rapport ta inclui un compilacion di e logronan di e diferente departamentonan den A.T.A., cual ta e departamento di mercadeo, strategia investigacion ('research') y planificacion, destination services, recurso humano, y e departamento encarga cu e aspecto financiero y maneho di facilidad di A.T.A.

Prome cu minister aproba e rapport, esaki lo wordo manda pa parlamento di Aruba 'ter inzage' pa 10 dia di trabao. Parlamento ta ricibi esaki, cual conforme ley ta e siguiente paso den e proceso di aprobacion, djey pa minister di turismo por duna su aprobacion formal pa cu e rapport anual di A.T.A., e edicion di 2017 pa ta exacto.

Esaki ta e di shete rapport anual di A.T.A. cu a wordo completa y cu ta carga un 'goedkeurende verklaring' di un compania di accounting independiente, esta Ernst & Young. Pa A.T.A. e ta un ehercicio extenso y di suma importancia y un parti inte-

gral di e maneho cu ta cana man den man cu ley stipula pa A.T.A. como tambe codigo di 'Good Corporate Governance' stipula pa A.T.A.

Como e autoridad di turismo na Aruba, A.T.A. ta estricto den su maneho. Gerencia ta laga diferente compania independiente haci auditorio riba base kwartaal y anual.

Esaki a bin ta tuma luga ya for di 2011, na momento cu oficina di turismo a bira independiente y orguyosamente por bisa cu tur aña ta cumpli debidamente cu entrega di entre otro e rapport anual, cu ta inclui resumen di resultadonan y di trabou haci, como

tambe e relato financiero cu su respectivo 'goedkeurende verklaring.'

Mester aña di cu fuera di esaki, A.T.A. ta tene un auditorio financiero independiente per kwartaal, cual ta wordo conduci pa e oficina di accounting independiente den e caso aki Pricewaterhouse Coopers.

A.T.A. ta pone hopi enfasis riba su maneho financiero y riba un maneho conforme ley aplicabel pa A.T.A., como tambe conforme local ta constitui 'Good Corporate Governance'.

E pasonan aki como tal ta refleho di un maneho cu 'Checks & Balances' adecua unda A.T.A. ta entre otro wordo audita door di companianan independiente, conforme reglanan internacional.

Fondonan

E entrada primordial di A.T.A. ta e asina yama 'Tourism Levy'. Gobierno a designa e 'levy' aki cual antes tawata e 'room tax' como e componente di entrada primordial pa A.T.A.

Ademas, A.T.A. ta ricibi fondonan adicional di e asina yama 'Travel Promotion Levy' desde september 2012 cual ta wordo maneha directamente door di A.T.A., kende ta haci esaki den colaboracion estrecho cu IATA (International Air Transport Association).

Esaki ta cubri e gastonan cu ta wordo haci pa promove Aruba internacionalmente como tambe pa cu desaroyo di nos productivo turistico.

A.T.A. su entrada total pa 2017 tabata di AWG. 100mion, di cual 73% a wordo inverti den mercadeo. A.T.A. su entrada menos su gastonan pa cu 2017 a resulta den 12.4mion florin resultado positivo netto, cu lo bay pa caha di gobierno, conforme amienda di ley di A.T.A. cual a pasa na december 2015.

Resultado di aña 2017

Pa local ta trata aña 2017, Aruba su turismo en general a cera cu un crecemento di 9.1% si exclui e mercado fragil y cu sigur a trece su retonan di Venezuela. Nos mercado principal, esta e mercado Norte America a cera cu un crecemento di 10.7%.

Esaki ta e resultado di esfuerzonan adicional/ahusta strategico cu a wordo haci durante e aña pa cu mercadeo den entre otro e mercado Mericano. Esaki ta wordo refleha no solamente den e cantidad di bishitante, pero tambe den e grado di ocupacion y rendimiento (ganashi) pa hotelnan, cual conforme resultadonan reporta pa AHATA a crece cu 4.7% (occupancy) y 10.8% (RevPar) consecuentemente pa cu 2017.

Segun ultimo resultadonan publica pa Banco Central pa 2018, e Tourism Receipts pa Aruba a subi te cu september 2017 cu 4.2%.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #1330772

Ass. Dir. Ehecutivo

Xiomara Arends

Redaccion Ehecutivo

Cristian Soto Garcia(hefe di redaccion)
Nicola Gonzalez(redactor ehecutivo)
Esther Kiks-Martinus(redactor ehecutivo)

Redaccion

Benjamin Romero
Leo Maduro
Luis Villegas

Departamento Digital

Sharina Henriquez

Ehecutivo di Benta

Marijke Croes-Luidens
Mary Ann Oduber
Linda Reijnders

Fotografo

Dino Tromp

Aviso y Arte

Sandra Loefstop
Lisa Tromp
Shannon Geerman

Administracion

Mariette Engelhart
Martha Arteta de Ariza

Distribucion

Jenny Kelly

Recepcionista

Rachelle Danje

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Upload Media Aruba
Yakari Gabriel

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800 / Fax: 582-7044
Email: noticia@bondia.com
aviso@bondia.com
Website: www.bondia.com
Facebook: @bondianoticia

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.



Editorial

SEGUN NOTICIA TA BAY Y BOLBE *Nos ta rabia, y despues... resigna?*

Den e pais aki, algo grave o fastioso ta sucede, Y Tur medio di prensa ta dedica atencion na e sucedido, riba tono agita, y ta exige pa remedia e asunto inmediatamente. Autoridadnan responsabel, esun cu un tiki mas pura cu e otro, segun e nivel di arogancia presente, of no, den e caso mas faborabel, ya ta priminti accion y mehoracion. Despues, ta sigura cu 'nan ta bezig', y despues, silencio...

Te ora algo sucede atrobe y nos bin ripara cu e problema no a keda resolvi, y tur hende ta cuminsa sclama cu ta pakico nada a sucede, ta ken ta esnan responsabel, cu supuestamente a pega soño, pareu cu nos, o talvez hasta prome cu nos? Nos ta reconoce e situacion aki? Si, muy probablemente den e dianan aki mes, ora nos haya di tende cu pasobra coriente a bay, holo di diesel a bolbe den hospital... Esey ta implica cu tur e tempo ey nan a logra haci algo pa suprimi e problema, mantene esaki manehabel, pero no a logra yega na e causa mes, pa solucion esaki definitivamente? Asina ta parce, pero nos no ta sigur. No ta nada, pasobra sin duda, nos ta bolbe haya un splicacion cu ta convence algun, den e miho caso hopi di nos, mientras cu posiblemente atrobe e problema ta keda benta unda cu e tabata, te proximo incidente.

Nos tur ta corda e asunto di e diesel cu lo a bay den Bubali Plas. Despues a bin algo manera un declaracion cu no tabata berdad, cu ta duda cu e tabata diesel di hospital, cu tabata trata di instalacion eroneo, cu, enfin, nos tur a pega soño atrobe. Pakico riba e isla un gran parti di nos, no tur, ta pensa cu si algo malo pasa, e miho manera pa resolve esey ta no pensa mes riba e cos ey. Y di berdad esey ta yuda? O ta simplemente nos ta sinta warda te cu algo sucede atrobe, pa nos rabia, sclama atrobe 'ta ken a keda di haci kico, el a hacie of no'?

Tur loke nos a skirbi aki no ta pa colga esnan na hospital figurativamente na e palo mas halto, pero e ta un bon ehemplo si con nos mes ta fayando. Nos mes ta acepta solucion mita mita, medio medio, anto ora e barco pega atrobe nos ta e promenan pa sclama. Kico mester sucede anto, pasobra e ciudadano comun y coriente cu mester purba cumpli cu su debenan, cu tin famia pa cria, trabao pa cumpli, etc. no ta bay tin tempo

pa vigila tur e cosnan aki. Den e mundo cu nos ta biba aden, ta pesey bo tin prensa. Medionan di comunicacion no tey pa ricibi e comunicadonan di prensa, copy & paste nan den corant o riba nan website, y cla na ta. Nan tey pa haci e preguntanan fastioso, y insisti cu nan kier un contesta. Nos sa cu esey ta mas facil bisa, cu cumpli. Bo ta traha por ehemplo pa un medio cu ta comprometi cu e gobierno di turno, y bo doño di trabao no kier tende nada di critica riba e gobierno cu cual e ta simpatisa. Kier men cu abo no ta bay haci nada mas... E otro ta traha pa un medio cu ta opone, o en todo caso no ta simpatisa cu e gobierno di turno. By the way, nos no ta referi aki especificamente na e gobierno actual, pero ta papia en general. E periodista supuestamente opositor ta keha cu e no ta haya ni un hende pa atende, te pa e haya contesta riba su pregunta. Ban bisa cu esey ta berdad, aunke tambe e por ta un pretexto, nada mas, pa no tuma accion. Anto esey ta motibo pa laga e asunto te eynan? Nos no ta kere, pasobra no contesta, tambe ta contesta...

Y ademas, tin un aspecto hopi importante den tur esaki, y esey ta cu nos tin e tendencia, manera ta parce tambe den loke nos a skirbi aki te awor, cu tur cos ta depende di e nivel politico den e pais aki, loke absolutamente no ta asina. Na diferente nivel nos tin hopi hende cu ta carga responsabilidad tambe y nan tambe ta responsabel pa nan trabao y como tal mester duna cuenta di esaki tambe. Y ta prensa mester atende nan tambe como tal. Ta surgi un problema, ta atende cu e persona directamente responsabel. Si e sistematicamente ta referi bo na e mandatario en cuestion, bo mester dun'e di comprende cu den otro asunto, ora e acudi nan prensa pa cualkier cos, ta necesario bisa e persona cu bo no mester su comentario, pasobra e mes na otro ocasion ta declara su mes incapaz pa bisa algo, pues si bo no ta di peso, hala for di caminda.

Asina talvez nos ta logra, cu mas agresividad, y cu atencion pa sigui duna atencion na cierto suceso, cu nos por evita cu ora sucede algo atrobe, nos no ta puntra, "ta con a para cu e asunto ey? Nos no a tende nada mas..."? Bo a busca pa sa anto, con a para?

Brasil: Sergio Moro ta cuminsa investigacion ex-gobernador

(JornaldoBrasil) - Hues federal Sergio Moro, lider den e caso nacional y internacional di corrupcion alrededor di e empresa di construccion Odebrecht, a ordena inicio odi un investigacion penal contra e ex-gobernador di estado Parana, Beto Richa (PSDB).

Na luna di april e hues Og Fernandes, die Tribunal Superior di Husticia (STJ), a manda pa Husticia Eelectoral na Parana un proceso hudicial inicia contra Beto Richa, den cuadro di delacion di Odebrecht unda a dicidi tambe manda copia di e decisionnan pa investiga pa Sergio Moro.

Diahuebs dia 10 di mei ultimo, sr. Moro a dicidi di habri e investigacion, cu ta trata di soborno pa faborece e compania Odebrecht na 2014, pa haya contracto di renobacion di e carretera PR-323.

E orden di investigacion ta encera autoridad policial y ministerio publico pa continua cu investigacion durante un lapso di 30 dia, pa decision di e magistrado. Pa completa e reportahe a busca contacto cu e ex-gobernador Richa, pero no a logra ainda.



Colombia: Gobierno y ELN ta reanuda negociacion na Cuba



(Cubanet/Infobae) - Gobierno di Colombia y guerrilla di Ehercito di Liberacion Nacional (ELN) a reanuda na La Habana nan negociacion enfoca riba logra un 'alto al fuego' bilateral, prome cu eleccion presidencial di 27 di

mei proximo y concretisa e participacion di sociedad den e proceso di paz.

E delegacionnan a bolbe na mesa despues cu na april pasa presidente di Ecuador, Lenin Moreno, a

anuncia cu su pais ta retira como garante y sede di e proceso negociador, pasobra cu e guerrilla di ELN ta continua ehecutando actividad terrorista.

E lider di e ekipo negociado di gobierno, Gustavo Bell, a divulga cu e ta sinti 'razonablemente optimista' den logra resultado concreto y faborabel a mediano plazo, mientras cu e hefe di e delegacion di ELN, Pablo Beltran, a afirma cu 'ningun adversidad' lo haci nan lanta for di mesa. Ambos a manifesta nan profundo gradicimento na Cuba pa ricibi e ciclo di negociacion aki y pa e firme compromiso cu paz na Colombia y na Latino-America.

"Nos ta completamente consciente di e responsabilidad historicocu nos tin", e hefe negociado di gobierno Colombiano a bisa, cu tabata spera cu pronto convivencia pacifico, respet y solidaridad lo ta e balornan cu ta reina den realidad social di Colombia.

El a agrega cu ta necesario dal pasonan decisivo y cu a yega e ora di concretisa nan, aunke el a indica cu e medidan cu ta negocia den e etapa aki ta 'un medio y no un fin riba nan mes'.

Bell ta confia cu lo logra, reanudando e di cinco ciclo aki, un alto el fuego "mas robusto" cu biaha pasa, cu lo permiti yega na paz na e eleccion presidencial di aki dos siman.

Venezuela: Situacion peligroso pa pashent di riñon

(lapatilla.com) - "Di aki lo nos mester bay na funeraria pa registra", un di e pashentnan den e sala di espera di e unidad di diálisis Uninef Vida y salud di e centro di salud situa na Puerto Ordaz, estado Bolívar, ta bisa.

E tabata wardando, hunto cu e otro pashentnan, un contesta encuan to nan tratamiento, ya cu no tabatin material, cu mester bin di Puerto Cabello, pero aparentemente no tin transporte. E comentario, na modo di chiste, tin un

trasfondo mayor: realmente nan no sa si nan tur lo ta presente riba dialuna.

E imposibilidad di haci diálisis riba diabierna ta implica cu nan no por consumi likido durante fin di siman y nan ta enfrenta e riesgo di enfermedad y infeccion fulminante, pa e substancianan toxico cu ta keda atrapa den nan sanger. "Esaki ta afecta aproximadamente 300 compañero cu ta bin haci nan tratamiento aki. Nos ta haci tres sesion pa siman, y salta un di nan por costa bo bida", Cesar Suarez, pashent di e unidad di hemo-

dialisis, cu a haci su ultimo terapia riba e dialuna anterior, ta conta.

E ta afirma di conoce por lo menos 30 caso di persona cu a fayece pa diferente fayod den e centro, desde cu el a cuminsa acudi ey dos aña pasa. Tur ta situacion cu tin di haci cu escasez di material pa diálisis.

"Y esey ta solamente di esunnan cu ta comparti turno cu mi, sin sa di e otro nan." Entre e efectonan causa pa falta di diálisis di riñon tin bahada y subida di presion, y sensacion di ta hoga. Richard



Millan, otro di e personanan den e situacion actual, ta spli-ca cu e repercusion di e falta di tratamiento ta cierto dolornan insoportabel, pa cual tampoco tin medicina. E nefrologa, Nidia Pernalette ta declara, cu aunke diálisis no ta e tratamiento ideal, e ta e unico cu por reemplasa parcialmente e funcionnan di e riñon. E complicacionnan

pa falta di tratamiento por bin rapido o por tarda, y ta consecuencia di acumulacion di substancia manera urea, creatinina, potasio y likido. Insuficiencia y aritmia cardiaco, nausea, vomito, perdida di apetit y mas sintoma por aparece, causa pa mal funcionamiento di riñon, cu finalmente por causa morto di e pashent.

Brasil: Mama polis ta tira asaltante mata dilanti scol



(G1-Globo) - Un asaltante dilanti un scol a ricibi tres bala mortal na man di un señora agente di Polis Militar, cu no tabata traha y cu a bin trece su yiu scol, y tabata para na e luga ora e asaltante a yega y a menasa e mamanan para dilanti scol.

E muhe a reacciona inmediatamente cu su arma di servicio y a tira riba e asaltante, cu a cay mortalmente herida. E suceso a tuma luga na Suzano, municipio di estado Sao Paulo diasabra pasa. E alumnonan y nan mamanan tabata yegando scol pa un celebracion di Dia di Mama. Segun declaracion di un mama, e persona mata tabata un ladron, cu a agredi un otro mama para dilanti scol y a los un tiro den direccion di e entrada di scol.

Un video cu ta circula riba medionan social ta muestra henter e sucedido. Segun opinion di hende cu a presencia e sucedido, e polis a actua bon. “E polis tabata un heroe. No di su yiu so, sino di tur e otro mama y yiunan presente. El a haci lo corecto”, e testimonian a bisa. Polis militar

ainda no a informa si e accion di e agente tabata di acuerdo cu e normanan di e institucion.

Segun testimonian, e scol tabatin programa un celebracion di Dia di Mama, cu a keda cancela parcialmente pa motibo di e incidente, y lo a keda programa di nobo pa otro dia.

Di acuerdo cu Polis militar, e homber asaltante tabatin 21 aña, y tabatin un revolver caliber 38, cu cual e lo a tira dos biah. Un disparo a hera y e di dos a faya. Despues el a ricibi e impactonan di e arma policial y a keda atendi pa ayudo di emergencia, pero no a sobrevivir.

E mama polis ta pertenece na e di 4 Batayon di Accion Special di Polis, di e zona oriental di e capital estatal Sao Paulo. E caso a keda atendi pa Distrito Policial Central di Suzano.

E incidente a tuma luga na e Colegio Ferreira Master, un scol particular. E noticiero G1 di O Globo a pidi un reaccion di e scol, pero no a logra haya esaki. Secretaria di Siguridad Publico tampoco a responde na pedido di e medio pa comentario.

British Virgin Islands: Candela dump ta haya asistencia di US Virgin Islands

(CaribbeanNewsNow) - Gobernador interino Osbert E. Potter di US Virgin Islands, a autorisa e departamentonan di bombero y di polis pa asisti gobierno di British Virgin Islands pa purba paga un candela grandi riba dump cu a cuminsa diaranson anochi cu a pasa na e isla Tortola.

E accion di e gobernador interino tabata un reaccion riba un peticion di prome ministro di British Virgin Islands, Orlando Smith.

Riba diahuebs caba shete bombero y tres polis di e departamento marino di Cuerpo Policial a cuminsa duna asistencia y acesorio tecnico. Ta combati e candela principalmente cu escombros di construccion na e dump di Cox Heath, na Tortola. E ayudo di US Virgin Islands ta pa complementa esnan di BVI mes envolvi den e intentonan pa paga e candela.

“Nos ta contento cu nos por yuda nos bisiñanan di British Virgin Islands”, sr. Potter a bisa. “Unidadnan di prome respuesta di ambos teritorio ta traha



incansablemente pa tene nos comunidadnan sigur.”

Autoridadnan no a divulga mas informacion tocante e origen di e candela, ni tampoco di eventual consecuencia dañino di huma toxico, etc. pa comunidad.

Nicaragua: Obisponan cu ultimatum pa dialogo



(LaPrensa/AFP) - Obisponan di e Conferencia Episcopal di Nicaragua (CEN) a duna presidente Ortega un plazo di 72 ora desde diasabra pasa, pa cumpli cu cuatro condicion cu nan na ta califica como ‘premisas ineludibles’ pa e dialogo nacional por inicia di inmediato.

Dos ora despues, e vicepresidente y vocero gubernamental, Rosario Murillo, a anuncia cu gobierno ta acepta e cuatro condicionnan di e obisponan, cu lo participa como mediador y testigo na e dialogo, cu ainda no tin fecha pa cuminsa.

E cuatro condicionnan ta encera: 1. yegada di Comision Interamericano di Derecho Humano pa investiga y clarifica e casonan di victima di e violencia di ultimo simannan; 2. Suprimir actividadnan di e cuerponan paramilitar, cu ta actua den coordinacion cu polis; 3. Detene e represion; 4) Duna signo di boluntad di dialogo.

E contesta di gobierno di Ortega no a clarifica nan punto di bista, entre otro tocante e uzo di forsanan para-

militar, motibo pa cual e conferencia episcopal a contesta via Twitter, cu nan no a pidi gobierno stop di uza paramilitar so, sino suprimir esakinan completamente. A pesar di e respuesta rapido di gobierno, no tin fecha acorda ainda.

Di otro banda, vocero di ehército di Nicaragua a declara na AFP cu nan no lo reprimi e poblacion cu ta manifesta contra gobierno, tumando asina distancia di gobierno di Daniel Ortega.

“Nos no tin pakico reprimi e poblacion cu ta manifesta riba caya. Nos ta kere cu e dialogo ta e solucion pa resolve e actual crisis”, asina portavoz di ehército, coronel Manuel Guevara, a declara tocante e manifestacion y blokeonan di ruta cu ta tumando luga den e pais, den un crisis cu ya a cos-

ta mas di 50 victima mortal.

Guevara a bisa cu e posicion di forsanan arma den e crisis ta cu nan ta mantene nan mes na nan mandato constitucional di ‘proteha obhetivonan vital pa funcionamiento di e pais’.

“Nos ta rechasa informacion manipula cu kier pa nos aparece como esun cu ta reprimiendo e protestanan”, sr. Guevara a bisa relaciona cu presencia di militar den algun entidad publico, cu tarea di vigilancia.

No obstante, despues di declaracion di gobierno di ta di acuerdo cu e dialogo, no a yega un fin na accion represivo di polis den coordinacion cu Hubentud Sandinista y otro forsanan paramilitar, cu atrobe algun morto como consecuencia.

Bureau di Informacion di Union Europeo di bishita na Arubahuis



DEN HAAG - Recientemente, Danny de Paepe di Bureau di Informacion di Union Europeo a haci un bishita di cortesía cerca minister plenipotenciario, Guillfred Besaril.

Durante di e bishita a papia riba e proximo eleccion pa parlamento Europeo, dia 23 di mei otro aña. Habitantenan di Aruba cu tin paspoort Hulandes of paspoort di un otro pais Europeo ta

ciudadanonan Europeo.

Esaki kiermen cu nan tin derecho di voto pa e eleccion aki. "Basta persona den e partinan di Reino Caribense no tur ora ta consciente di e

derecho aki. Mester bin mas informacion riba kico Union Europeo ta haci riba diferente tereno y kico esaki ta nifica pa e Arubiano", segun sr. Besaril.

Sr. Besaril a bisa sr. De Paepe cu 'akianan tin trabao ainda pa haci y ta spera cu e Bureau

di Informacion di Union Europeo, mescos cu nan ta brinda informacion na ciudadanonan na Hulanda, por brinda e mesun servicio aki pa e habitantenan na e parti di Reino Caribense'.

E potret ta cortesía di Cas di Aruba

Henk Kamp ta tuma asiento di Colegionan di supervision financiero



DEN HAAG - Ex-ministro Henk Kamp lo tuma asiento den Colegio di supervision financiero (Cft) di Corsou y Sint Maarten y den Cft di Boneiro, Sint Eustatius y Saba.

Esaki lo ta entrante dia 1 di juli binidero, segun e comunicado ricibi di secretario Manus Twisk. Pa Colegio di supervision financiero di Aruba (CAft), e designacion ta drenta na vigor entrante dia 1 di augustus bibidero. Postula pa Hulanda, e lo sucede e miembro actual Sybilla Dekker. Presidente Raymond Gradus: "Henk Kamp ta un persona cu un gran experiencia administrativo y cu hopi afinidad cu region Caribense; cu baymento di sra. Dekker lo a surgi un bashi, cu awor afortunadamente ta yena inmediatamente. Mirando e estado di financia publico di e paisnan, cual ta exige hopi atencion, mi ta contento cu e experticio sr. Kamp trece."

Dia 9 di mei cu a pasa, conseho di ministro di Reino a bay di acuerdo cu designacion di sr. Kamp den e Colegionan di supervision financiero. Anteriormente conseho di ministro a haci esey cu su designacion den Cft BES.

Sr. Kamp tin un trayectoria largo di servicio den adminis-

tracion publico. Asina, prome cu su ministerio, e tabata miembro di Consejo Municipal, miembro di Colegio Ehecutivo Municipal, miembro di Parlamento Provincial di Gelderland y miembro di Tweede Kamer.

Den e gabinetenan Balkenende I y II/III e tabata respectivamente ministro di Vivienda Publico, Ordenamento Teritorial y Medio Ambiente, y di Defensa. Despues di esey e tabata atrobe miembro di Tweede Kamer y durante dos aña e tabata Comisario pa Boneiro, Sint Eustatius y Saba.

Seguidamente e tabata ministro di Asunto Social y Labor den Gabinete Rutte I y por ultimo ministro di Asunto Economico den Gabinete Rutte II. Na e momentonan aki e tin ainda varios funcion secundario, entre otro como presidente di e asociacion sectorial di e organisacionnan cu ta activo riba tereno di cuido y asistencia di anciano, enfermo (cronico) y hubentud, y como presidente di Consejo di Supervision di un hospital.

Sr. Kamp ta sucede su ex-colega sra. Dekker, kende for di 2012 a fungi dos periodo como miembro di Cft. Sra. Dekker tabata ministro di Vivienda Publico, Ordenamento Teritorial y Medio Ambiente den Gabinete Balkenende II/III.

E miembronan actual di CAft lo tuma despedida di dje memey di e aña aki. Sr. Gradus ta señala: "Cu baymento di Sybilla, nos ta tuma despedida di un miembro masha aprecia y participativo; semper e tabatin wowo pa e contexto Caribense y e relacionnan gubernamental den cual e supervision financiero mester funciona. Hunto cu e demas miembronan mi ta spera cu deseo e colaboracion cu sr. Kamp."



**Relojes
Pulseras
Cadenas
Dijes**

Nos ta graba
tur sorto di
articulo
di metal
yama of
bishita nos

**Tanki
Leendert 178-A
Tel: 587 3940
Fax: 587 2478
Cell 592 9055
email: adalbertovilla@live.com**

"COMPRA Y VENTA"

Bachue
Joyeros

**Compramos
Vendemos
Arreglamos todo tipo de Joyas
Contamos con un Buen Surtido de
Pulseras y Baterias para Relojes
Habri di Dialuna pa Diasabra
9:00am pa 1:00pm y di 2:00pm - 6:00pm**

Abo!

**No tin tempo
pa Laba y Seca bo
Pañanan!**

Pasa y Laganan na:

**AQUA
LAUNDRY**

Habri di Dialuna pa Diasabra
7:30am non stop 7:30pm
Diadomingo de 9:00am - 1:00pm
Tel: 587 0772

**BACHUE
JOYERIA
COMPRA Y VENTA**

**AQUA
LAUNDRY**

Dama ta perde yiu despues di maltrato polis

WILLEMSTAD - Recientemente a sosode un caso lamentabel, unda un dama a keda maltrata pa un agente policial na Hato, a consecuencia cu el a perde su yiu.

E website Vigilante a haya bishita di e dama victima, cual a relata na e matutino loke a pasa cun'e na momento cu e tabata cla pa subi avion, pa asina regresa Hulanda. El a conta cu el a keda maltrata pa un agente policial, y pone cu e la perde su barica di cinco luna.

Pa algun tempo caba a reforsa e team na Hato cu algun polis di Cuerpo Policial Corsou. E dama cual Vigilante ta dispone di su nomber a splica cu diasabra cu a pasa, den oranan di atardi e la presenta na Hato, unda e mester a check in pa asina por a subi e vuelo di Tui, rumbo pa Hulanda. Despues di a caba di entrega su maletanan e la keda cu un tas y un handbagage den su poder. Tambe e tabatin un pizza cu el a caba di cumpra pa asina por a savoria esaki den avion.

E la pasa tur control na Hato y na momento cu el a yega na e porta di avion pa asina por a drenta e la wordo para pa un di e stewardess nan cu a splica cu e ta den posesion di tres ekipahe. E na su turno a splica e stewardess cu ta trata di su tas, e pizza y tambe e handbagage cu tur biahero ta biaha normalmente cun'e.

E dama a coy e pizza y hince den su tas y a indica na e stewardess cu ta dos ekipahe e tin. E stewardess a splik'e cu e tas ya ta conta pa un y cu e no por bay cu e handbagage y cu e tin di paga 50 euro pe y solamente por swipe.

A surgi un intercambio di palabra segun e dama, unda el a trata na tur manera pa splica e stewardess cu no por conta su tas cu e tabatin hunto cun'e pa un ekipahe ya cu tur dama ta biaha cu nan tas cu nan cosnan personal den dje y tambe un handbagage cu den mayoria caso sa wordo lastra na man.

Dado momento segun e dama el a fada y a splica pa laga e tas keda tera numa. Ora cu e tabata cla pa drenta avion pa bay busca su asiento e pi-

loto a cana yega y bisa cu e no por biaha cu nan mas ya cu e la haya su mes den problema cu su crew, esta e stewardess nan cu ta riba su vuelo. Segun e dama e la puntra e piloto pa splica e motibo dicon e no por bay den e avion mas, pasobra ta su derecho pa sa dicon e no por a bula cu su ekipahe di man.

E informacion di Vigilante ta sigui splica cu e piloto no por a splica kico ta kico y a yama pa polis. Segun e dama, un polis colo scur bisti na blaww a presenta y sin bisa nada a push'e for di e avion. E dama na su turno a bira bisa e polis cu bo no por yega asina sin busca drechi kico a pasa y ta cuminsa pusha sin yama bon nochi. E agente policial a bisa e dama cu ta cu polis e ta trata y a dal'e un mokete basta duro den su lomba pa despues benta na suela y dal su cabes na diferente ocasion contra di e suela.

Segun e dama e no por a haya ni chens pa bisa e polis cu e ta na estado cinco luna. E polis a primi cu rudia contra di suela y a boei yannan y a lastre bay den kantoor cun'e mane un criminal.

Den kantoor e polis a los e boeinan y bis'e cu e por bay cas numa.

E la wordo di boei y supuestamente detene sin na niun momento a presente dilanti un Fiscal. E dama a sigui splica cu den oranan di marduga di diasabra pa diadomingo el a cuminsa sangra profusamente via di su vagina. Mirando cu e tabata na estado y pa nada di mundo e no kier a perde su yiu mesora el a lanta bay Poli na unda nan splica cu no por haci masha pe y cu e tin cu acudi na e dokter di warda.

Vigilante ta sigui conta riba nan website cu e dama a bay dokter, na unda a samina y a tuma nota cu e sanger a cuminsa sali na clompi. E dokter mesora a tuma contacto cu un ginecologo cu a splica pa manda e dama cu urgente cerca dje.

Entretanto a bira diadomingo y ora cu e dama a yega cerca e ginecologo el a wordo samina y a bin tende cu ya no por haci nada mas y cu el a perde e barica di cinco.


E dama a splica Vigilante cu

ta pa basta tempo el a purba pa haya un baby. E dama a bay warda di recherche, na unda e la entrega un denuncia di

maltrato.

Entretanto e dama a yega Hulanda y a splica cu el a tuma contacto cu un abogado

pa esaki sigui cu su caso ya cu no ta asina sin mas un polis por ta pone un biahero perde su yiu.



Career Opportunities



Director of Engineering

Responsible for efficient operation of hotel property, preventive maintenance, repair services, and protection of assets. Structural aspects of the hotel as well as the maintenance of grounds and external facilities fall within the span of responsibility.

Assistant Food & Beverage Manager

Experience in Restaurant Management.

Concierge

Customer Service, European Language Required.

In return for excellent performance and skills, Bucuti & Tara Beach Resort offers a superior compensation package, including a competitive salary, bonus program, dental and vision coverage, pension program and additional perks.

Only candidates who meet the required criteria will be contacted.
Please email Resume to: hrmanager@bucuti.com



BUCUTI & TARA
BEACH RESORT • ARUBA

BONDIA
ARUBA

Pa AVISO den nos Corant
aviso@bondia.com

Clasificado Economico

**PERSONAL GRATIS MX 20 PALABRA- TA ACEPTA AVISO FOR DI 9:00 AM -4:00 PM
PASA LAGA BO AVISO NA OFICINA DI BON DIA ARUBA WESTSTRAAT #22**

TA HUUR na Rooi Bosal un trailler 2 camber, 1 baño, sala y cushina ta hunto "no muebla" pa mas info Tel. 592 7934	TA HUUR Appt na Seroe Patrishi, 1 camber full muebla exclui awa y coriente 1 luna + deposito pa 1 pareha Tel : 582 6618	SERVICIO PUBLICO Buscando auto pa huur y na bon prijs? yama nos Tel. 593 9953/ 593 8453	SERVICIO PUBLICO Figuera Yard Service Nos ta chapi, corta y planta mata, brinda tur servicio cu bo cura mester. Tira sushi afo, tur esaki na un super bon prijs Tel. 738 1908	TA BENDE SUV Mitsubishi Montero den bon estado Afl.5.500 Pa mas informacion por yama Tel. 593 8420
TA BENDE BBQ Grill made in Aruba Tipo cylinder y bari Prijs 100/ 150/250/300 Ta entrega a domicilio Tel.569 7787	SERVICIO PUBLICO Se ofrece enfermera para cuidar a ancianos o discapacitados Tel. 566 3098	SERVICIO PUBLICO Electrishment crioyo Ta haci instalacion di coriente na un bon prijs . Tur tipo di in- stalacion (airco, pega luz, etc)1 Tel. 565 6638	TA HUUR Studio na Aruba Beach Club por acomoda 4 pers. Siman 28 di July prijs: \$750 Tel. 582 2320	TA BENDE Suzuki Alto 2001 automatic Fls.2500 johnnypaesch@gmail.com yama pa mas info Tel.630 1307
TA BUSCA Trabow part time preferibel entre 5 pm - 9pm Please yama Tel: 564 3588	TA BENDE Time Share Renaissance 1 Br wk 45 Room 2553 Private Island \$3.000 johnnypaesch@gmail.com Tel. 630 1307	SERVICIO PUBLICO Paraiso de Rosa Ta ofrece su servicio pa cuida hende grandi. Nos ta hende spe- cialisa cu pasenshi y servicial Tel. 566 2687 /732 2590	TA HUUR Cas, 2 camber, / 2 baño Pos Chiquito Afl.3000 Bista pa lama Tel. 592 9966	SERVICIO PUBLICO Barata Barata Nos ta chapi, lanta sushi, spuit veneno, corta mata, na bon prijs Arubiano balente Call 592 5766
FOR RENT OR SALE by owner 1 Bedroom suite at Amsterdam Manor Beach Resort week 22 (26 may-june 2) 2018 Rent \$750 sale: negotiable Info Tel. 584 1008 / Cel. 594 2502	SERVICIO PUBLICO ta drecha tur sorto di Imagen Tel. 584 2489	TA HUUR Apartamento grandi 35 m2 na San Miguel 5 minuut for di hotel area pa 1 of 2 persona so Pa mas informacion yama Tel.592 2688	TA HUUR Apartamento na Paradera pa mas informacion Cel.567 3798 Tel: 567 4161	SERVICIO PUBLICO Se ofrece servicio de reparacion e instalacion de aires acondicio- nados Split e industrial también reparamos frigidaire, cuartos frios y fabricantes de hielo Tel. 600 0750
SERVICIO PUBLICO ta yuda busca cas pa cumpra of huur Tel. 563 1449	TA BENDE un electric bike, top speed 40 km/hr marca Jetsonbike. Poco usa . Awg.3,750 Pa mas info yama Tel. 561 1761	SERVICIO PUBLICO Master Nails Pa e miho servicio y experiencia den mantencion y atencion pa bo huñanan. Yama pa un cita Tel. 744 9214	GRATIS Nos ta piki tur sorto di auto bieu, gratis. Tambe airco, bateria, stoof, wasmachin, frigidaire etc Tel. 561 4297 / 561 5179	TA BENDE Toyota RAV 4 Four ATM airco, full equip fog lamp 1st owner 2013 incl seguro + num full aña+ keurg F.26.900 Discutible Tel. 733 4448
TA HUUR Studio Apartment 750 + 1 luna Muebla pa 1 persona. Tur cos inclui Tel. 741 8637	SERVICIO PUBLICO Mi ta ofrece pa cuida mucha y hende grandi, haci cas limpi, mentenimento di beauty salon, ayudante di cushina, vendedora Tel. 748 7066 /748 7041		SERVICIO PUBLICO Mi ta ofrece servicio di electricista, electricidad en general, problema cu corto circuito y mantencion Tel. 566 5026	TA BUSCA Part time person for a growing company, customer service skills, team work, marketing and driver's license needed. reply to info@groceriestogoaruba.com
			TA BENDE un cas na Wayaca Residence 3 camber, 2 baño. Afl.525.000 (negociable) Tel. 592 9966	TA HUUR Studio di 29 di maart te 6 april Semana Santo Tel. 583 8132 / 641 6184
			TA BENDE Feria di Fruta Banana 89 ct Pineapple 3.50 etc Nos a keda cu mesun prijs di antes Roco Plaza Tel. 566 297	TA BENDE Tereno eigendom 1187 m2 Tel. 563 1449
			TA HUUR Cas di 3 camber na San Nicolas Tel: 563 1449	TA BENDE Tereno comercial na TL. Prijs 175,00 m2 Uno di 1056 m2 awg 273.300,00 otro di 1000m2 awg 175.000,00 Tel. 593 2952
			TA HUUR La Cabana Timeshare 1 camber di 29 di maart te 6 april Semana Santo Tel. 583 8132 / 641 6184	SERVICIO PUBLICO Construction remodelacion di cas, traha cas, apartment, traha y drecha dak, electricidad, verf pega mosaico, traha cura, plomeria. Bon prijs Tel. 593 3141
			TA BENDE Plastic septic tank 1000 gallon 3500 Si ta interesa por yama Tel. 741 7262	
			TA BENDE cas situa na Socotorolaan 25 3 camber cu closet, 2 baño, sala comedor, cushina, porch, cura. Prijs taxatie rapport Aw.278.000 Prijs pidi den man Awg. 225.000 Tel. 593 0909	

ABONA PA SOLAMENTE AFL. 35,- PA LUNA Y RICIBI TUR DIA BO CORANTNAN PREFERI

MAS CERCA DI BO!



Yena aki bao e siguiente informacion

Telefon

Number completo:

Adres di entrega:

Adres di cobranza:

Pago Adelanta:

☐ 3 Luna

☐ 6 Luna


☐ 1 año

- ☐ Cobranza na Cas.
- ☐ Cobranza na Trabao.
- ☐ Paga via Banco (Standing Order) Aruba Bank no:33266.8
- ☐ Paga Aruba Bank ABO ONLINE .
- ☐ Paga CMB ONLINE .
- ☐ Personal na oficina di Bon Dia Aruba.
- ☐ Pone den Box.
- ☐ Tira den Cura.

**Yama na telefon: 582-7800 of manda un email na accounting@bondia.com
www.bondia24.com**

Marisol M. Krosendijk, Psicologo:

‘Pa kico traha riba auto-estima ta asina importante?’



ORANJESTAD - Un topico cu hopi hende por haci bon uzo di dje den nos comunidad y cu sigur tin efecto riba hopi area, pa mi no bisa tur area di nos bida, ta auto-estima. Mi lo bay skirbi riba e topico aki mas frecuente, pero ta cuminsa pa contesta dos pregunta cu ta cardinal para keto na dje prome mi cuminsa bay mas profundo.

E dos preguntanan cu mi ta bay elabora riba dje den e articulo aki 1. Kico ta auto-estima? y 2. Kico ta auto-estima abou? Pues, mi lo para keto na kico auto-estima abou ta y ki sorto di impacto auto-estima abou por tin riba un persona y nan bida.

Na final mi lo duna un ehercicio pa cuminsa, pa boso asina na final di e ehercicio por para keto pa boso mes na con esaki ta sinta cu boso.

Pa cuminsa mi tin cu bisa cu tur hende, na un punto of otro, ta insegur tocante nan mes, falta confiansa propio, ta duda di nan capacidad y habilidadnan, of nan ta pensa negativo di nan mes. Sinembargo, si bo ta pensa cu bo tin problema cu auto-estima, of ta insegur si bo tin e problema aki y bo kier haya sa mas, e ora ta bon pa bo lesa e articulo aki.

Kico ta auto-estima?

Prome cu nos papia di auto-estima, ban cuminsa pa compronde e terminologia ‘stimacion propio’. Kisas bo a scucha palabranan similar manera imagen propio, percepcion di bo mes, concepto propio pa menciona algun. Tur e terminologianan aki ta referi na con nos ta mira y pensa di nos mes. Como sernan humano, nos tin e ha-

bilidad pa no solamente ta consciente di nos mes, pero tambe pa duna un balor na nos mes of un medida di balor na nos mes of aspectonan di nos mes.

Asina ta, auto-estima usualmente ta referi na con nos ta mira y pensa tocante nos mes y e balor cu nos ta pone na nos mes como persona. Tin e capacidad humano pa husga y duna balor ta algo na unda nos por haya problemanan cu auto-estima.

Tur e terminologianan aki menciona aki riba ta referi na e manera cu nos ta mira y pensa di nos mes. Manera sernan humano nos tin e habilidad no

5

Things to tell yourself each day

- 1: Today will be my day
- 2: I am the best me there is
- 3: I know that I'm a winner
- 4: I can do it, I know I can
- 5: God will always be with me

Be positive and believe in yourself

solamente pa ta consciente di nos mes pero tambe pa duna balor of un punto di balor na nos mes of aspectonan di nos mes. Asina ta, auto-estima usualmente ta referi na con nos ta wak y pensa tocante nos mes y e balor cu nos ta duna nos mes como un persona. Tin e capacidad humano pa husga y duna balor na algo, ta exactamente unda nos por bin den problemanan cu nos auto-estima.



Kico ta auto-estima abou?

Bo a yega di ta insatisfecho cu bo mes of infeliz cu bo mes? Bo sa haya momentonan cu bo ta pensa bo ta fragil, kens, no bon suficiente, dañá na un of otro manera, inferior na otro, no ta sirbi, sin balor, inatractivo, mahos, un perdedo, un fayó?

Tur hende sa uza e palabranan aki riba nan mes, usualmente ora nan experiencia un situacion cu ta un reto of cu ta tenso. Sinembargo, si bo hopi bes ta pensa di bo mes den e terminologianan aki, e ora bo por tin problema cu auto-estima abou.

Auto-estima abou ta ora bo generalmente tin un bista/opinion negativo di bo mes, husgando of evaluando bo mes negativamente y poniendo un balor negativo riba bo mes como persona.

Akinan algun ehempel di kico un hende cu auto-estima abou por bisa tocante nan mes:

Mi ta bira nervioso ora mi haya mi ta papia cu hendenan cu mi no conoce na un fiesta.

Mi ta socialmente inutil y odia esaki!.

Mi no por a compronde nada di locual e instructor tawata bisa awe. Mi mester ta hopi kens.

Mi tin sobrepeso. Mi ta asina gordo y mahos.

Mi no ta importante.

Mi ta un perdedo.

Mi no ta bon suficiente.

Ehercicio

Algo pa boso haci na prome luga si bo kier traha riba bo auto-estima ta skirbi un descripcion cortico di bo mes. Hasi esaki y despues bay bek y puntra bo mes e preguntanan aki bou:

1. Con bo a describi bo mes?
2. Ki palabranan bo a uza?
3. Bo descripcion di bo mes ta generalmente positivo, balansa/neutro of negativo?
4. Ki balor bo a duna na bo mes of aspectonan di bo mes?
5. E balor ey ta positivo, balansa/neutro of negativo?

Pensamentonan Final

Den esencia hendenan cu auto-estima abou tin creencianan profundo, basico y negativo tocante nan mes y e persona cu nan ta. E creencianan aki hopi biaha ta wordo tuma como hechonan of berdadan tocante nan identidad. Como resultado, auto-estima abou por tin un impacto riba un persona y su bida.

Un Tip:

Nunca no bisa nada di bo mes cu bo no kier pa bira realidad! Locual abo ta pensa di bo mes ta hopi mas importante cu locual otro ta pensa di bo! One Love Aruba



Accidente cu daño material na Seroe Blanco

ORANJESTAD - Diabier-
na atardi a sucede un ac-
cidente na e t-weg di Sero
Blanco banda di Friomax.

Un Nissan Cube a subi ca-
minda, pero un Toyota
Camry shinishi, biniendo
di ariba, a pasa dal den dje.
Daño material ta grandi, se-
gun informacion. Debi cu
hopi azeta a plama riba ca-
minda, DOW a presenta pa
basha santo riba caminda.



Dos auto a dal den otro na crusada



PRIMAVERA - Na e cru-
sada di Primavera pa bay
Wayaca, diabierna atardi
a keda registra un acci-
dente entre dos auto pa
falta di preferencia.

Polis di trafico ta yega di bi-
aha y a constata cu e chauf-
feur di e Ford Edge bahando
for di pariba, a yega subi e
crusada sin a duna preferen-
cia na e Ford fiesta cu ta riba
su caminda di preferencia
y aki e autonan a dal basta
duro den otro. Tabata tin un
persona levemente herida y
a keda atendi pa personal di
ambulance.



Welo ta bati mucha (5) na bar

ORANJESTAD - Diabierna algo prome cu 9or di anochi, personanan tabata observa un homber di edad ta batiendo un mucha chikito, y a avisa Polis. Esaki tabata na Hooiberg Store.

Patruxa a yega na e sitio y a topa cu tanto un wela y welo cu tabata bebe na e bar, pero algo a pasa cu e welo tabata maltrata e mucha muhe di 5 aña. E mucha tabata yora y e wela tabata culpa e mucha cu ta pa su via polis a cera e welo, pero e welo mes tabata bon bebi.



Dama riba scooter ta accidenta su so dilanti airport

ORANJESTAD - Prome cu 1or di madruga, polis y ambulance ta topa cu un accidente, unda cu un dama riba un scooter a accidenta su so y herida su mes.

Un testigo a bisa cu el a wak con e dama a perde control y a dal abou su dilanti. Polis y ambulance a presenta pa atende cu e victima.



Homber tabata maltrata dama seriamente

ORANJESTAD - Recientemente polisnan cu urgencia a keda manda pa Oxygen Lounge, unda lo tabata tin un bringamento

formal andando, caminda un homber tabata maltrata un señora.

Na yegada di patruxa hende-

nan cu a mira e pelea a hinca e señora den e auto pa e no sigui haya sla di e homber. Polis a tuma dato y intermedia.



Pronostico di tempo

Tempo:

Parcialmente nubia cu chens pa un awasero pasajero.
Temperatura maximo 32 grado Celsius y temperatura minimo 26 grado Celsius.
Solo lo baha awe nochi 6:57pm y lo sali mañan mainta 06:15am.



Biento:

Modera te basta fuerte for di generalmente direccion oost;
forsa 4 te 5 (20 te 39 km/ora, 11 te 21 nudo)
Den dia fuerte te duro, probablemente tin bes basta duro den rafaga;
forsa 6 te 8 (40 te 64 km/ora, 22 te 35 nudo)

Situacion general di tempo:

Durante proximo 24 ora no ta spera mucho cambio den e situacion di tempo cu tini actualmente.
Durante di oranan di marduga i mainta temporalmente mas nubia lo pasa riba e isla y pone cu localmente un awasero local por desaroya. Diferencianan di presion di aire den area di Caribe ta grandi y esaki ta pone cu un biento fuerte lo sigui supla.
Mas aleu por bisa cu stof fini suspende den aire lo mengua visibilidad un poco den proximo dianan.

Condicion di lama:

Olanan di lama lo ta for di direccion oost cu haltura di 5 te localmente 8 pia; e olanan di mas halto lo ta na costanan oost, noordoost te noordwest di e isla. Operadornan di boto chikito ta wordo suplica pa tene esaki na cuenta.

Afecto directamente den cartera

‘Accijns di gasolin por subi cu 16 cen’

ORANJESTAD – Den luna di mei lo tin aumento di prijs di combustibel, cual ta algo cu gobierno a anuncia. Segun parlamentario Richard Arends, esaki lo tin afecta directamente den cartera di famianan y tambe e costo di haci negoshi.

Fraccion di AVP a muestra nan preocupacion den un comunicado cu Bon Dia a ricibi cu gobierno a presupuesta 10 milyon extra na aumento di accijns.

Pero te cu e dia di awe gobierno a aumenta accijns na luna di maart cu 2 cen y den e ultimo lunanan aki e ta un entrada adicional di 1.7 milyon. Esaki ta nifica cu ainda falta riba 8 milyon cu gobierno mester haya di aumento di accijns. Esaki ta ekivalente si tuma esaki desde luna di juli te cu december, esey ta un aumento di 16 cen.

“Combustibel ta un componente importante den e budget di casnan di famia, pero tambe pa empresa”, sr. Arends ta bisa den un comu-



nicado.

Aruba no ta produci su mesun combustibelnan. E parlamentario a indica cu combustibel no ta subsidia, pero aki ta depende di prijsnan riba mercado internacional. “Obviamente ta calcula esey a base di e prijsnan di tur dia via di sistema platts; ta suministra y pa fin di luna ta tuma un averahe y e prijs ta valido pe luna siguiente.”

No obstante cu e prijs di gasolin a subi e luna aki, e lo bolbe subi otro luna si por sigui e desaroyonan riba mercado internacional. Fraccion

di AVP ta preocupa cu esaki, unda ta creando e storm perfecto, caminda cu no tin un crecimiento economico., segun e comunicado.

“Tin un aumento di BBO, BAZV y tin prijs di energia, prijs di combustibel lo aumenta hunto cu prijs di awa y coriente. Esaki ta algo cu ta duna fraccion di AVP preocupacionnan, pasobra esaki lo afecta directamente cartera di famianan. Tambe e lo afecta directamente e costo di haci negoshi aki na Aruba cu tur efecto negativo”, parlamentario Arends ta finalisa bisando.


Advertorial

Aruba's Life Condo situa den bario di Noord

NOORD - Aruba Life's condominium ta asercando su finalizacion di construccion den 2018, na unda cu e proyecto akinan ta ofrece un vivienda realizable y espacioso pa tanto nos hendenan local, internacional y a la bes pa nos turismo.

Aruba Life's Condo ta ubica den bario di Noord, accesibel solamente 5 minuut di Palm Beach, hotelnan

y casinonan, restaurantnan y club nocturno. Na unda e condominium ta ofrece un variedad di diseño exclusivo cu diferente combinacion di cambenan luhoso y espacioso, cu un adjust y adaptacion perfecto. Tambe Aruba's Life Condotambe ta ofrece unidad di deposito separa pa cada condominio, parkeer priva y safe, servicio di limpieza opcional, un gym totalmente equipa y cu un cancha di tennis. Cu un restaurant banda



di e pool y hardin. Tambe ta ofrece servicio di transporte diario pa bishita nos beachnan of centro di ciudad. Aruba Life's Condo su rental management service ta ofrece di yuda propietario nan di huur nan condominium y asina genera mas placa, mientras nan no ta uzando e propiedad. Scogiendo Aruba' Life Condo como bo hogar, bo por sinti bo relaha, sa-

biendo cu tur bo necesidadnan ta wordo atendi bou un solo dak. Sea pa recreacion di vakantie of vivienda, Aruba's Life Condo ta e luga perfecto situa den un bario trankilo. Pa por haya mas informacion of traha un cita pa asina por pasa tira un bista ariba nos condominium di Aruba's Life Condo, por yama 699-2779 of gratis na e number 1-866-978-6192.

Presentacion ‘Kwetsbare Ouderen’ na Colegio EPI

ORANJESTAD - Recientemente tabata Dia Internacional di Enfermeria. Pa celebra e dia aki, e studiantenan di EPI Unidad Salubridad y Servicio a organisa un mainta educativo. E tema tabata ta ‘Kwetsbare Ouderen’.

Esaki cu diferente oradornan den e ramo di salubridad publico na Aruba, incluyendo Inspectie Volksgezondheid Aruba (IVA).

E tema di e mainta tabata ‘Kwetsbare Ouderen’, pues a pone enfasis riba nos grandinan y casnan di cuida na Aruba. Durante e mainta aki Inspectie Volksgezondheid Aruba (IVA) a comparti e resultadonan general di e in-

speccionnan cu a wordo haci na tur casnan di cuida na Aruba den e lunanan di maart y april ultimo.

Un di e puntonan cu a sali di e inspeccionnan ta cu mester di mas personal cualifica na e casnan di cuida. Esaki ta nifica cu tin entre otro necesidad pa mas enfermero y enfermeranan. E studiantenan di EPI a presenta un estudio propio tambe unda cu nan a bishita un par di casnan di cuida na Aruba pa investiga e situacion actual y unda mester mehoracion.

E resultadonan aki sigur ta benefical pa IVA y ta indica e importancia pa traha hunto y comparti informacion cu otro.



Troll Twins Jazzenne y Jazzelle ta haci 4 aña

ORANJESTAD - Troll Twins Jazzenne y Jazzelle ta Cumplinan Big 4. Pabien, nan ta haya sunchi cu brasa di nan 2 brothers, Jeevan cu Jeandrick, mami cu papi, oma cu opa, tanchi- cu ompi nan y tur nan amigitonan. Hiep Hiep Hoera. Bon Dia Aruba tambe ta felicita Jazzene y Jazzelle riba nan dia special.



SIMAN DI LOCURA



BLACK FOREST HAM



BBO RIB



ITALIAN B.M.T.



OVEN ROASTED CHICKEN



SEAFOOD SENSATION



TURKEY BREAST



SEAFOOD & LOBSTER



SMASH!



*Inclui
21oz Drink
y 2X Cookie

SUBWAY

*Combo = Selected 6" Sub, 21 oz Soda Fountain with cookies (2) - Taxes included!
©2018 Subway IP Inc. SUBWAY® is a registered trademark of Subway IP Inc. Images for illustrative purposes only.



TASTE THE FEELING

**CAMPAÑA TA DURA
DI 9 PA 15 DI MEI**

**7 DIA
7 SUB**
PA UNICAMENTE
AWG. 8,-
PA COMBO!

Saskia Werleman celebrando 35 año den gobierno

ORANJESTAD - Recientemente Saskia Werleman a celebra -hunto cu su coleganan di Directie Wetgeving en Juridische Zaken - su 35 año di servicio den gobierno.

Sra. Werleman a cuminsa na año 1983 na IDEFRE (Instituto pa Deporte, Educacion Fisico y Recreacion) den administratie, trahando cu begroting y personeel. Despues di 1 año, a tuma su overplaatsing pa JAZ (Juridische en Algemene Zaken) y a traha den diferente funcion, como typiste, y tambe a traha cu Naturalisatie verzoeken y Lotterij vergunning VI's.

Na año 1996 despues di Status Aparte cu traspaso di NV en AVV for di Antias Hulandes a lanta un seccion na JAZ cu yama Afdeling NV en AVV. E tawata e prome trahado administrativo pa loka ta trata keurmento di nombernan pa companianan NV y AVV pa pais Aruba, pa tur notario di Aruba y Corsou, Trustkantoren y tur abogado di Aruba.

Ademas di esey, e tawata traha e Disposicion Ministerial (Ministeriële Beschikking) y Departamento di Ontvanger tawata esun cu ta ricibi tur cobranza. Durante su carera e tawata sa di duna guia tambe na varios secretaria siñando nan con ta registra documentonan oficial di gobierno y ki ruta nan tin cu bay.

Sra. Werleman tambe tawata na disposicion di diferente minister, entre otro Fredis Refunjol, Edison Briesen, Daniel Leo q.e.p.d., Hendrick Croes y por ultimo Candelario Wever. Durante e periodo cu e tawata na disposicion di minister, sra. Werleman tawata den diferente comision entre otro. Commissie Anti Roken y Warenverordening conhuntamente cu Fundacion Cas.

El a forma parti di e Comision Verhuizing di DWJZ y tawata sa di scapa gobierno di Aruba AWG. 20.000,00 na huur pa luna.

Sra. Werleman tawata e prome empleado adminis-

trativo cu a lanta e Seccion Afdeling Rechtszaken di JAZ. Despues a cambia e nomber pa CBJAZ y actualmente ta conoci como DWJZ. Aki el a lanta e parti administrativo, unda e ta labora cu 3 trahado. Actualmente e ta traha cu 5

Procesgemachtigde di pais Aruba y ta traha cu tur deurwaarder y oficina di abogado y tur departamento di gobierno y semi-gubernamental.

Sra. Werleman tambe ta basta activo den e parti social di

trabou. El a forma parti di e Happy Hour Team di DWJZ y Bos di Husticia. Den e intercambio aki Gemeenschappelijk Hof van Justitie van Aruba en BES eilanden tawata profila nan mes como cantante di Aruba y Antia.



Lions Club y Smile Mobile a bishita Saba



ORANJESTAD - Smile Mobile di Aruba Lions Club tabata den accion recientemente cu limpieza di dentadura di nos baluartenan cu ta den e casnan di nos grandinan, esta Saba playa y San Nicolas.

Smile Mobile ta un proyecto di Aruba Lions Club, cu tin mas cu 70 año trahando pa nos comunidad cu diferente proyecto.

No menos cu 6 año pasa, Aruba Lions Club a pone su confianza den e proyecto aki, cu mientrastanto a bira un fundacion y ainda Aruba Lions Club ta sigui inverti den dje pasobra e la resulta algo hopi bon mes pa nos grandinan.

Durante e 6 año cu a pasa Smile Mobile a constata un progreso enorme den e dentaduranan di nos grandinan. Un dentadura higienico, saludabel y bon cuida ta haci un influencia grandi na e salud di nos grandinan cu semper ta cla pa ricibi e servicio di Smile Mobile. P'esey mes Aruba Lions Club y Smile Mobile kier amplia

su servicio gratuito di e dentadura di nos grandinan pa nan por sigui un bida mas saludabel posibel.

E proyecto di e fundacion Smile Mobile ta ser manteni door di donacion di diferente compania y comercio y ta pa e motibo aki nos kier a gradici Yellow Pages pa nan donacion di botter di awa (water cans). Na Medicosmetics Aruba NV pa e Ensusre nan y na Dunkin Donuts pa e dushi donuts cu asina nos por a malcria e zorgverpleegster nan cu semper ta cla pa copera cu nos. Y por ultimo na tur otro persona cu ta sigui copera y ta pone nan confianza den e fundacion Smile Mobile. Pa diasabra awo e accion ta sigui na Saba na Savaneta. Esnan cu kier copera cu Smile Mobile semper por hasi esaki y sigui nos via e facebook page di ARUBA Lions Club.





BONBINI DEN DELUXE

Desde 1 di juli e avionnan Boeing 787 Dreamliner di TUI fly ta dispone un concepto nobo: **Deluxe**. Espacioso pa bo disfruta di extra comodidad y servicio na bordo. Bonbini den Deluxe!

- ✓ Minimo 106 cm di espacio pa pia
- ✓ Reserva stoel y 'check-in online'
- ✓ 40 kilo di equipaje
- ✓ Tur cuminda y bebida inclui
- ✓ Na Schiphol: 'Fast Track' di seguridad, 'Priority boarding', acceso na 'lounge'



Bishita TUI.aw of jama 582-0804 pa mas informacion.

Minister a bishita instancianan pa siman di enfermeria

ORANJESTAD - En conexion cu siman di enfermeria, minister di Turismo, Salubridad Publico y Deporte, Dangui Oduber a haci bishita na instancianan di cuido, manera Huize Maris Stella, Respaldo y tambe Dr. Horacio Oduber Hospital.

“Mester elogia e instancianan pa nan dedicacion cu nan a hinca en conexion cu siman di enfermeria. Ta di remarca e entusiasmo riba cara di cada un enfermera presente”, e minister ta enfatisa.

Cada un di e instancianan ariba menciona a tene un evento caminda oficialmente a inicia e celebracion di siman di enfermeria. Na Huize Maris Stella e tema pa cu siman di enfermeria ta ‘Happy Smiley Nurses’. Dr. Horacio Oduber Hospital tambe a introduci nan tema: ‘Health is a human right’. E funcion di un enfermera ta uno di importancia riba tereno di salud. Sea ta pa nos grandinan, pashentnan cu problema psiquiatrico y tambe pashentnan di tur edad, nos enfermeranan ta indispensable, e comunicado ta finalisa.



Tiramento di lot pa e play-off

ORANJESTAD - Den siman cu a pasa, na Sandra's Garden a tuma luga e tiramento di lot pa determina e schedule di e etapa inicial di play-off. esaki lo cuminsa diabierna, dia 18 di mei venidero.

E ekiponan clasifica a wordo otorga un number pa via di tiramento di lot. Britannia a haya number 1, Estrella

number 2, Nacional number 3 y Dakota number 4.

Eynan e number a wordo aplica den un schedule di e weganan cu ya a wordo compone di anti mano caba. E play-off lo consisti di un sistema 'round robin', unda tur e cuater ekiponan lo enfrenta otro dos biaha, e dos ekiponan cu mas punto na clausura di e ciclo ey lo bay

hunga e final, cuminsando dia 27 di juni venidero.

Den e cuadrangular round robin number 1 Britannia y number 2 Estrella, lo hunga e prome wega diabierna, dia 18 mei pa 8pm na CDGT, sigui pa e di dos wega cu lo ta entre number 3 Nacional y number 4 Dakota riba diasabra, dia 19 di mei pa 8pm tambe na CDGT.



TA TEMPO PA UN BON **VAKANTIE!**

- Mini Prestamo
- Super prestamo
- Nos ta ofrece prestamo sin garantia
- Mas cu 35 aña di servicio

- Nos no ta cobra boet (ora cu paga préstamo prome cu tempo di contract)
- Servicio amicablel

island finance

Bo por conta cu nos!

J.G. Emanstraat No. 96, 523-4848 | De la Sallestraat No. 65, 583-4843
Rockefellerstraat No. 2, 583-5556 | Shaba No. 82, 583-4800

www.islandfinancearuba.com

*Suheto na aprobacion di credito / verificacion di documento.

Balashi Premuim ta derota Piratas Bronx Birds 6 pa 3

ORANJESTAD - Campeonato Liga special heinek-en di Aruba Softball Bond, a continua riba veldnan na Pos Chikito.

Balashi Premuim ta derota Piratas Bronx Birds den un bunita wega. Balashi Premuim 6 careda, 5 hit, 1 eror y ta laga 7 coredo na base.

Piratas Bronx Birds 3 careda, 7 hit, 2 eror lagando 5 coredo den circulacion. Jesus Leal Becerro ta bay completo lansando un partido di 10 strike out poniendo e victoria riba su nomber.

Pa Piratas, Guillermo Montiel a inicia solamente 1 tercera parti di prome inning permitiendone 2 cuadrangular y 4 careda ta wordo releva mesora pa e internacional

Andres Gonzalez, kende ta lansa 49 bola y 64 strike pa e restante di wega permitiendone solamente 1 hit y dos careda tirando 10 strike out.

Miho batiadonan pa Balashi Premuim ta Jerwin Penja 2-1 cu un cuadrangular, Gianmarc Alders 4-1 cual bataso tambe tabata un home-run, Ayrton Falcon 2-1, Jeromin Kelly 3-1.

Pa Piratas a destaca den causa perdi Pablo Reid y Leyvis Gonzalez di 3-1, Andres Gonzalez y Richard marrero di 3-2, Michael Corniels di 2-1.

Liga special ta continua dialuna awor riba veld di Flatstone momento cu Piratas enfrenta Sputters den un double header.



Resultado Copa Rey tennis di mesa

ORANJESTAD - E cinco dianan di e copa Rey, organisa pa Aruba Table Tennis a yega su final. Esaki segun e comunicado cu resultadonan ricibi for di 297sports.

E weganan final a tuma luga na Centro Deportivo Betico Croes den categoria B-klas. Aki e prome luga a bay pa Alfred Leong, na di dos luga a keda Wing Chow Leong y na di tres luga a keda Micheal Kelly.

Den e categoria 13; nos a haya na 1er luga e hoben Joseline Boekhoudt, na di 2do luga a keda Trevor van de Biezen y na di 3er luga a keda Marc Rasmijn.

Den e categoria open-klas; e prome luga a bay pa Mario Lobo, e di 2do luga a bay pa Andy Gomes y e di 3er luga a keda pa Jeandry Mathilda.



Kenneth Wong ganado torneo di tennis

ORANJESTAD - Recien a tuma luga e torneo di tur luna di Gamma IT Solutions riba e veld di Playa Linda Beach Resort. Esaki segun comunicado ricibi for di Gamma IT Solutions.

E torneo aki ta planea pa tuma luga tur prome diasabra di cada luna y ta wordo organisa por medio di Tennisschool Omnibus.

E concepto di e torneonan ta; cu tin 8 team cu ta participa

den 2 wega cortico pa determina e nivel di e competencia. E teamnan cu gana ta avansa na un siguiente poule. E teamnan cu perde tambe ta lo pasa pa un otro poule y ta hunga 3 wega mas. Di e manera aki tur e teamnan cu inscribi ta hunga un total di 5 wega.

Ganado absoluto tabata Kenneth Wong, cu a keda na prome luga. Di dos luga a bay pa Aethielle Kelkboom y na di tres luga tabata Cristian Sainz.



Parlamentario Rocco Tjon (MEP):

‘Mi ta gradici ex-minister di Husticia Arthur Dowers’

ORANJESTAD - Parlamento Rocco Tjon kier gradici e ex-mandatario di Husticia pa acepta locual cu el a trece pa dilanti pa loke ta; e radarnan y e negligencia cu falta di madurez di ex-premier Mike Eman (AVP) den esaki.

Lamentablemente argumento a caba, y sr. Dowers no a contradeci mi ponencia mas, pero mas bien a ataca mi personal y cuestiona mi capacid- adnan, segun lider di fraccion

di MEP. Sr. Tjon a bisa cu e ex-mandatario di husticia mester por sa cu e ta capabel y si esaki no tawata e caso sr. Dowers, no lo a nombre, despues di a pasa un proceso di seleccion intensivo, como director di korrekte instuut Aruba (KIA).

Por ultimo, sr. Tjon a invita sr. Dowers pa aporta na e era nobo di politica y contribui na bienestar di pais Aruba, mescos cu sr. Tjon ta haci.

Parlamentario Arthur Dowers (AVP):

‘Dos polis den parlamento a sostene mocion di RED’

ORANJESTAD - Durante tratamiento di presupuesto 2018, por a tuma nota di maniobranan cu wordo haci; tanto pa loke ta uzo di cannabis medicinal, como otro pa personanan cu comete un crimen y sinta dos aña di castigo di prizon pa haya un carta di buena conducta ora cu nan bandona prizon.

Parlamentario Arthur Dowers ta muestra cu loke ta mas serio di e mocionnan aki presenta pa RED, ta e hecho cu dos polis a sostene e mocionnan aki. ‘Ora cu lesa e mocionnan aki, por ehempel esun pa elimina discriminacion pa uzo di cannabis medicinal pa e grupo di rasta, ta un forma cla pa pasa parlamento un fastball ya cu dificil pa mi kere cu henter e comunidad rasta aki na Aruba; tur ta hendenan cu ta sufri un kebrante di salud, cu tur tin dolor di cabes of otro enfermedad.

Pa colmo un mocion asina ta conta cu firma di dos polis den parlamento y tambe nos por a mira otro mocionnan cu a wordo presenta caminda propio coleganan di coalicion a pasa otro fastball. Caminda cu ta duna e impresion cu nan no a lesa e mocionnan, pero simplemente a firma y sostene esakinan. Otro mocion cu a sorprende nos ta caminda ta pidi gobierno; pa bay di acuerdo pa haci posibel cu hendenan cu ta sintando castigo largo den prizon, si nan sinta dos aña consecutivo, nan bin na remarca pa haya un carta di buena conducta ora cu nan bandona prizon.

Un hende cu a sinta dos aña den prizon ta un hende cu a comete un crimen di peso, un crimen pa cual e lo a ricibi un castigo di tres, cuater of hasta dies of mas aña y kende a wordo haya culpabel di un crimen hopi serio. E ora ta lanta e pregunta ta kico ta haci e ora pa esunnan cu a comete un crimen menor, cu mester sinta un aña, algun luna of simannan, nan ta wordo negligha por completo y mester yuda esunnan cu a comete un crimen mayor.

“Den e proceso cu nos conoce aki na Aruba, un hende cu bay cera ta wordo prepara den e instituto corecional pa e por bin bek den comunidad y involvi su mes como un persona cu ta rehabilita y kier sigui cu su bida respetando leynan cu tin. Hendenan cu a traha den cuerpo policial mester tin mas conocemento di kico husticia ta encera, mester por sa kico por wordo haci of no, pero ta simplemente core firma un mocion asina, ta muestra di un mentalidad cuestionabel”, sr. Dowers a declara.



De Minister van Onderwijs, Wetenschap en Duurzame Ontwikkeling, als bevoegd gezag van de Dienst Publieke Scholen roept sollicitanten op voor de functie van:

Algemeen directeur Colegio Educacion Profesional Intermedio (EPI)

Het Colegio EPI verzorgt middelbare beroepsopleidingen en bestaat uit 4 units: Techniek, Economie, Hospitality en Toerisme en Dienstverlening en Gezondheidszorg. Het Colegio EPI is zowel verantwoordelijk voor het verzorgen van B.O.L- en B.B.L. Opleidingen en opleidingen in het kader van “life long learning”, als voor maatwerktrajecten.

Functie profiel

Het voorgaande leidt tot het volgende functieprofiel:

Kennis en ervaring.

De directeur heeft

- een academisch werk- en denkniveau en in het bezit van tenminste een tweedegraads lesbevoegdheid;
- leservaring;
- leidinggevende ervaring in het onderwijs;(ervaring in het bedrijfsleven is een pré)
- affiniteit met en kennis van de doelgroepen;
- kennis van actuele zorgstructuren die bij de doelgroep horen;
- inzicht in en ervaring met onderwijsontwikkelingsprocessen en de daarbij behorende structuur- en cultuurveranderingen en strategische besluitvormingsprocessen;
- kennis van en ervaring met de portefeuilles onderwijs, financiën, huisvesting en HRM;
- aandacht voor personeel en hun individuele kwaliteiten.

Competenties.

De directeur is een bevlogen teamplayer en bruggenbouwer en heeft aantoonbaar vermogen tot

- creatief denken, buiten kaders denken, strategisch opereren en tactisch handelen. Wij verwachten van de nieuwe directeur dat hij/zij een inspirerende en gedreven persoonlijkheid is met een heldere visie;
- besluitvaardig, integer, betrokken en zichtbaar in school;
- resultaatgericht en samenbindend leidinggeven met relativerend vermogen en met gevoel voor humor;
- binnen de afspraken ruimte geven aan andere leden van de schoolleiding en docenten tot het invullen van voorgenomen beleid;
- sterke communicatieve eigenschappen/vaardigheden, zowel intern als extern georiënteerd.

Functie eisen

De ideale kandidaat beschikt over:

- passie voor en visie op onderwijs, innovatie en inhoudelijke expertise over vraagstukken en ontwikkelingen in het MBO onderwijs;
- visie op de maatschappelijke betekenis van beroepsgericht onderwijs in de samenleving;
- een academisch werk- en denkniveau;
- een focus op hoofdlijnen en is in staat om de juiste vragen te stellen. Heeft ervaring in projectmatig werken en procesmatig denken;
- een stijl van leidinggeven die past bij leidinggeven aan professionals, ruimte gevend en enthousiasmerend. Heeft het vermogen om mensen te motiveren en te ontwikkelen;
- een sterke persoonlijkheid met natuurlijk overwicht die de school kan representeren naar omgeving en stakeholders;
- besluitvaardigheid, daadkracht en uitstekende communicatieve vaardigheden. Helder in keuzes en duidelijk in het onderbouwen van gemaakte keuzes.

De bezoldiging en secundaire arbeidsvoorwaarden:

Conform het Landsbesluit bezoldiging onderwijspersoneel en de Landsverordening materieel ambtenaren recht.

Informatie:

Voor verdere informatie m.b.t. bovenstaande vacature kunt u zich richten tot de Interim directeur van de Dienst Publieke Scholen, mevr. drs. Nora Eleonora, tel. (297) 5212300.

Interesse:

Uw schriftelijke sollicitatie, vergezeld van een curriculum vitae en kopieën van diploma's, kunt u binnen 14 dagen na het verschijnen van deze advertentie, **te weten uiterlijk 28 mei 2018**, richten aan: Het bevoegd gezag, de Minister van Onderwijs, Wetenschap en Duurzame Ontwikkeling d.t.k.v. Interim directeur Dienst Publieke Scholen, mevr. drs. Nora Eleonora, Cumana 69, Oranjestad, **per mail aan** nora.eleonora@dps.aw

Parlamentario Robert Candelaria (AVP):

‘Fraccionnan riba mesun linea den asunto di siguridad’

ORANJESTAD - Fraccion di AVP a tuma nota y a keda sorprendi cu minister di Husticia, Andin Bikker, a opta pa pidi ‘harde bijstand’ di cuerpo militar den apenas 6 luna di gobernacion, esaki ya pa di dos biaha caba.

Parlamentario Robert Candelaria ta kere cu esaki no ta un desaroyo corecto; ya cu na Aruba tin profesionalnan bon forma y ekipa cu tur cos. Ta obvio cu tur e fraccionnan den parlamento ta tratando e topico di siguridad riba mesun linea.

E parlamentario ta contento di mira cu e fraccion di MEP a bisa di ta riba e mesun liña y ta pensa den e mesun direccion cu AVP. Aworaki ambos fraccion den parlamento ta riba mesun frecuencia y esaki ta di dos biaha cu ta

advertiendo minister di Husticia p’asina sr. Bikker por reevalua su decisionnan. Tin aspectonan cu mester trata nan rapido, tambe decisionnan mara na liderazgo cu no por keda bira rond di nan.

Aworaki den parlamento tin discusion riba e topico di radar. Sr. Candelaria ta haya cu awo no ta tempo di discuti ken su culpa, cua aña y dicon. Pero awo cu ta papiando di radar, asina mes hende ta keda dreña. Na e momentonan aki loke mester percursa, con pa handle, pasobra gobierno actual tin algun luna na mando caba y no ta notando ningun cambio. Y pio un adelanto den e forma pa atende cu e retonan na costa, siendo cu awor tin mas boto yegando cu ilegal cu antes.

Siman pasa fraccion di AVP a bisa cu pa lunanan tin au-

tonan para cla pa haci control, esta pa polis, kustwacht y duana. Sr. Candelaria kier sa con ta posibel cu pa 6 luna largo pa un aspecto di ‘invoerrechten’ e asunto aki a keda para. Esaki ta mescos cu e topico di radar, di cual ta un topico cu mester atende cu esaki rapidamente. Esaki ta bin pa motibo cu cada dia cu keda papia y keda tarda, e comunidad di Aruba ta core peliger.

E hendenan aki ta keda mira Aruba como un ‘target’ y a yega na un periodo cu no por sigui cu esey asina mas. “Nos mester bisa cu ta basta”, asina sr. Candelaria a expresa. Fraccionnan den parlamento ta papiando di e tema aki na e mesun idioma. Ta spera cu minister di Husticia por tuma esaki como un advertencia serio y atende cu esaki na bienestar di comunidad.



Parlamentario Daphne Lejuez (MEP):

‘San Nicolas merece di ta e pionero den e era nobo’



ORANJESTAD - Recientemente parlamentario Daphne Lejuez di fraccion MEP, a wordo invita pa sra. Velthuisen, directora di Camara di Comercio (KvK), pa un reunion cu algun miembro di COSME.

Esaki tin como meta pa promove entrepreneurship y mehora condicionnan comercial pa asina empresarionan chikito y mediano por desaroya y florece. E programa di COSME ta core di 2014 te cu 2020 y ta traha cu un budget disponibel di 2.3 biyon Euro.

Reunion cu COSME

Hunto cu e representante, di COSME (EU program for the competitiveness of enterprises and small and medium-sized enterprises) Hans Vershoor, a bin cu un team for di Hulanda di empresarionan hoben; John Sandiford y Maarten Hendriks, p’asina haci un sondeo riba e factibilidad di Aruba como un destinacion pa incubators/start-ups.

E team di empresario hoben di Hulanda ta partner den un start-up di Eindhoven na Hulanda cu ta ofrece entre otro servicionan pa start-

ups, incubator y co-working spaces pa asina promove entrepreneurship den sector empresarial chikito y mediano. Durante e reunion nan a comparti cu den nan sondeo preliminar nan por a constata cu pa Aruba no tin areanan defini pa incubators, pero mas bien cu henter isla di Aruba por wordo considera como un incubators.

Considera San Nicolas como area pa Innovacion

Den combersacion parlamentario Lejuez a comparti pa tuma San Nicolas den consideracion como un localidad pa crea espacio pa

innovacion, incubators y pa stimula entrepreneurship, mirando cu akinan e espacio comercial no ta satura y por crea un comunidad empresarial hoben, dinamico y progresivo cu alabes lo por duna San Nicolas e desaroyo y empuhe necesario pa reinventa su mes y aumenta actividad economico.

Servicio di Ferry por aporta na cambianan grandi y positivo

Parlamentario Lejuez a menciona tambe e plannan di un posibel servicio di Ferry entre islanan ABC cu lo sali for di San Nicolas, asina aki brindando hopi oportunidad y beneficio na e area di San Nicolas y tambe start-ups, door di amplia economies of scale (afzetmarkt) y haciendo e mas atractivo pa establece negoshi na San Nicolas. Un desaroyo cu eventualmente lo por aporta na cambianan grandi y positivo pa nos ‘sun rise city’.

Representantenan di COSME hopi entusiasma

E representantenan di COSME a keda hopi entusiasma cu e posibilidad y siguramente lo inclui esaki den nan evaluacion y Parlamentario Lejuez den futuro cercano lo extende un invitacion pa bishita San Nicolas na e comision aki. “Awo ta keda

na nos pa traha na materialisa plannan pa e posibel desaroyo aki pa San Nicolas y Aruba”, segun sra. Lejuez.

Como presidente di comision fiho di parlamento riba areanan di economia y innovacion, parlamentario Lejuez a sigura di trece esaki dilanti pa wak con por stimula e desaroyo necesario pa por complementa e desaroyo socio-economico pa e bienestar di esunnan cu ta biba na San Nicolas, y consecuentemente tambe pa Aruba den su totalidad.

Den reciente decadanan, San Nicolas a conoce un caida socio-economico debi na entre otro e volatilidad di e industria petrolero y e falta di maneho economico sostenibel. Mas cu un distrito, San Nicolas mester wordo considera como un ciudad cu atributonan unico y cu un potencial economico dinamico cu ta biba den comunidad di San Nicolas. Un comunidad trahado y uni cu merece e hermentnan y oportunidadnan nobo di desaroyo, muy en special atraves di ‘21st Century Skills & Careers’, asina ki cuminsando un era industrial nobo, moderno y sostenibel. “San Nicolas merece esaki”, parlamentario Lejuez ta conclui.

Partido RAIZ:

‘Tin momento pa critica y momentonan pa elogia’



ORANJESTAD - Partido Raiz, den cuadro di transparencia, a entrega un peticion na gobierno pa informa y persuadi nos gobernantenan y publico en general.

Esaki ta pa reevalua e intencionnan berdadero tras di e desaroyo di cualkier proyecto comercial den areanan di naturalesa protegi, entre otro e construcion di un resort memey di e matanan di mangel na Pos Chikito.

Nos movimiento a ricibi un carta di minister Otmar Oduber (POR), den cual minister ta confirma di a ricibi e Landsverordening Openbaarheid van Bestuur (LOB) Verzoek di Raiz, referiendo na e proyecto di isla di oro y alabes invita Raiz pa un reunion riba diamars, dia 8 di mei cu a pasa.

Lider di partido Raiz, Ursell Arends y colega di partido Sr. Raymond Kamperveen a atende e reunion cu sr. Oduber caminda den un forma trans-

parente, sr. Oduber a haci entrega di un pakete di documento cu su ministerio a colecta referiendo na e proyecto en cuestion.

Pa nos di partido Raiz ta di admira con, den un tempo record, sr. Oduber a cumpli di su banda. E echo aki sigur ta demostra cu nos isla ta cla pa conoce un politica di madurez, si nos como pueblo keda alerta, informando y conscientisando nos mes debidamente, continuamente. Pa Raiz y publico en general ainda tin e tema di maneho y polisa pendiente, ya cu nos tur kier sa si gobierno ta bay publica e puntanan central aki den e proximo 4 aña.

Cu Raiz no ta den gobierno, no ta nifica cu automaticamente nos movimiento ta den oposicion. Raiz kier fungi como monitor, y caminda mester asisti, coregi, aplaudi, nos lo haci tal, cu e mesun meta cu ta forma e fundeshi di nos movimiento for di un principio: E Aruba cu nos tur kier biba riba dje y cu nos kier nos yiunan hereda.

Parlamentario Edgard Vrolijk (MEP):

‘Yama minister pa bin duna cuenta con cos ta bayendo’

ORANJESTAD - Na Aruba riba tereno politico ainda nos falta hopi pa madura y falta ainda tambe pa pueblo comprende y bira consciente riba e esencia di politica, y principalmente comprende e trabao di nos como parlamentario, segun parlamentario Edgard Vrolijk.

Un democracia parlamentario tin como punto e trias politica pa trece; balansa y pa garantis cu pueblo por tin bon gobernacion, transparencia y sigur integridad. E trias politica ta papia di separacion di podernan, pero na Aruba nos ta papia mas bien di reparticion di poder.

E poder legislativo (parlamento) cu ta e representacion di pueblo di Aruba, y no di un partido politico (staatsregeling III.1) ta e organo cu tin di papia den nomber di pueblo, tin di scucha pueblo, trece nan preocupacion dilanti. Y cu nos constitucion ta duna nan e instrumentonan, hopi importante pa por haci nan trabao den nomber di pueblo cu ta; e derecho di haci pregunta na e minister y staatssecretaris, derecho di iniciativa unda cu por bin cu ley y esun di mas importante e derecho di aproba un presupuesto.

E poder ehecutivo ta den man di gobierno cu ta fiha su maneho, pero tambe ta esun cu ta bin cu leynan di iniciativa cu na final di dia ta keda den man di parlamento, si ta aproba of no ta aproba. Y e poder di hurisdiccion (rechtspraak) ta den man di huesnan cu tin e deber di proteha e ciudadano den su derechonan unda ta controla si



tur procedura tuma pa gobierno a bay conforme ley.

Pakico e splicacion den corto aki. Ta debi cu pa basta dia nos por a tende hopi comentario principalmente riba e trabao di parlamentarionan unda cu tin ta vocifera cu nan lo ta haci di mas, principalmente e parlamentarionan cu ta sostene e gobierno, door di a haci riba 1000 pregunta pa locual ta trata presupuesto y cu nunca antes esaki a pasa. Tambe bo ta haya comentario riba e cantidad di mocionnan cu a ser presenta, sin conta na momento cu un parlamentario bay publicamente y duna su pensamiento riba maneho y ta ser mal interpreta.

Y sigur esunnan den oposicion ta haci mal uzo di esaki pa core haci propaganda politico infantil cu ta refleho di falta di madurez politico. Pakico

ta bisa esaki. Pasobra esaki p’ami ta netamente pakico pueblo a vota pa un cambio. Porfin tin un parlamento cu no ta un stempelparlament, cu a permiti cu awendia nos tin un debe grandi unda cu 93 cen di cada florin ta bay na paga debe. E refleho di un parlamento critico cu ta haci uzo di su derecho pa haci pregunta y unda cu a haci riba 1000 pregunta den e ultimo presupuesto.

Mocionnan cu a ser entrega ta muestra cu e parlamentarionan aki ta scucha pueblo y mocionnan ta deseonan di pueblo di kier wak algo diferente. No ta pasobra bo tin un maneho kieren cu e ta e miho. Si pueblo ta desea algo otro bo tin di scucha y trata na haci cambianan pa cumpli cu deseo di un pueblo, pasobra na final di dia ta pueblo ta e hues cu lo dicta si un maneho tabata bon.

Pero como parlamentario y den e area cu mi tin conocimiento semper lo mi keda trece mi pensamiento y para tras di pueblo cu mi ta respresenta y cu mi opinion of di cualke colega, no ta obliga ningun minister di sigui, pasobra nos ta haci nos trabao como parlamentario.

Na momento cu aproba un begroting no ta nifica cu un gobierno por haci y deshaci. P’esey e parlamento tin di hunga un rol importante unda e por yama e minister na cualke ora pa bin duna cuenta con cos ta bayendo. Y sigur e maneho aproba pa parlamento ta e guia di e parlamentario pa por controla si cada florin aproba ta yega su destino y si gobierno ta cumpli cu su maneho stipula.

Esaki no ta nifica cu nos ta contra ningun minister ni kier ta sinta den stoel di ningun minister pero nos ta haci nos trabao cu pueblo a pone nos pa haci y mi lo sigui haci esaki p’asina pueblo cu mi ta representa por ta trankilo cu nos di parlamento ta e garantia cu por tin bon gobernacion, transparencia y integridad.

Pa termina mi tin di bisa cu nos falta hopi ainda pa madura politicamente. Sinembargo a cuminsa cu e prome pasonan. Sigur e no ta bay ta facil pa nos, pero pueblo tin di cuminsa bira consciente di; e rol importante di un parlamentario di controla un gobierno y no net pa robes, manera ta e mal custumber cu gobierno ta pone un salsa y maske cu mi no sa baile mi tin di baile.

Parlamentario Michael Lampe (AVP):

‘Gobierno mester mira e importancia den estudio’

ORANJESTAD - E examen final a yega pa studiantenan di Aruba y ta un temporada hopi importante. Esaki ta e tempo pa tuma hopi decision riba futuro di e studiantenan y direccion cu nan ta bay tuma den bida pa sigui nan estudio.

Parlamentario Michael Lampe, ta kere cu e formacion aki ta hopi importante pa keda enfoca riba e diversificacion di educacion di Aruba. Ta importante pa semper splica cu tin diferente ramo di estudio cu e studiantenan por tuma loke ta trata nan pasion, combinacion di pasion y loke ta potencial den bida.

Eyfo tin estudionan cu ta bon pa tur hende keda informan nan mes riba e diferente tipo di estudio cu por haci. Esaki ta algo importante pa Aruba den e contexto di diversificacion y economia. Mester di hobennan profesional pa bin bek pa traha den diferente ramo di e sector creativo, creative industry, pero tambe den hopi otro ramo. Cu esaki ta importante pa keda enfoca y duna tambe informacion na studiantenan, mientras cu nan ta haciendo e escogencia pa nan estudionan.

“Nos mester duna nan e aporte y sosten pa nan por haci esaki na un miho manera posibel”, asina sr. Lampe ta indica. Esaki tin un balor

hopi grandi pa Aruba tambe. E parlamentario ta haya algo hopi importante y mester keda enfoca cu gobierno mira e importancia riba esaki, pa asina gobierno tambe por pone e energia necesario, e balor na studiantenan y e balor na kico e studiantenan ta bay scoge. Tambe pa gobierno duna e studiantenan e balor cu nan merece, pasobra e ta un temporada importante y sigur e tin beneficio na e desarojo pa Aruba.

Sr. Lampe ta desea tur estudiante hopi exito den e dianan aki cu nan examen. Tambe ta desea e studiantenan hopi exito den nan escogencia cu nan lo haci den e siguiente simannan of a haci esaki caba.

“Tur cos bon di aworaki caba pa loke ta trata boso examen y pa futuro tambe. Mi ta sigur cu Aruba lo bay tin hopi na

cada un di boso no importa kico bo kies pa bay haci cu bo estudio”, asina el a termina bisando.



Parlamentario Rocco Tjon (MEP):

‘Mi kier coregi e declaracion erroneo di ex-mandatario di husticia’

ORANJESTAD - Despues di a tuma nota di declaracion di e ex-mandatario di Husticia pa loke ta nos radarnan, lider di fraccion di MEP, Rocco Tjon kier, a traves di documentacion coregi, e declaracion erroneo di e ex-mandatario di Husticia.

Na januari 2008, e compania Raytheon Canada Ltd a manda un oferta pa mantencion di Aruba su radarnan. Y e ultimo contract di mantencion pa cu e radarnan di pais Aruba a wordo firma entre e ex-mandatario di husticia, Rudy Croes y e compania Raytheon Canada Limited na maart 2008.

Por mira cu e contract di mantencion aki tawata encera; mantencion preventivo, reparacion tecnico, technical support y un chequeo semanal. Asina aki lo percursa pa e radarnan aki keda funciona optimalmente. For di e contract aki ta sali na cla tambe cu e periodo di mantencion, pa loke ta trata e contract, ta vence 31 di december 2009.

Den e carta dirigi na sr. Eman, fecha 10 di december 2009, e compania Raytheon Canada Limited ta splica sr. Eman cu e contract di mantencion lo vence. Adicional nan ta splica sr. Eman cu e di tres radar ta na Aruba caba y ta urgi sr. Eman pa apunta e sitio di instalacion. Por ultimo nan ta urgi gobierno di Mike Eman (I&II) pa percursa pa contesta prome cu 23 di

december pa asina e bon funcionamiento di e radarnan aki por continua. Sr. Eman no a firma pa prolonga e contract di mantencion.

A pesar cu e radarnan aki no a wordo manteni entre december 2009 pa januari 2011, bou di maneho di cuerpo policial nan tawata wordo uza. Lider di fraccion di MEP ta accentua y confirma cu durante e periodo aki e mes, como ‘algemeen coordinator recherche tactiek (ACRT)’ na e ‘unidad di crimen organisa’ a haci uzo di e funcionalidad nan cu e radarnan aki tawata brinda. Es decir nan tawata funciona keto bay.

Den un carta cu fecha 8 di maart 2011 nos por tuma nota cu Aruba y Hulanda a yega na e decision pa destrui e radarnan. For di e carta en cuestion nos por lesa cu na aña 2010 sr. Eman y Hulanda a ordena pa haci un investigacion pa haya sa e estado tecnico di e radarnan aki.



E resultado, segun e carta aki, a muestra cu e estado tecnico no tawata bon y p’esey sr. Eman y Hulanda a dicidi pa destrui e radarnan aki. Mirando e balor agrega pa seguridad di pais Aruba, balor agrega pa e seguridad di nos oficialnan, e hecho cu e radarnan tawata funciona ainda, e hecho cu intencionalmente no a prolonga e contracto di mantencion, lider di fraccion di MEP ta considera e actuacion di sr. Eman condenabel y inaceptabel.

bel.

Por ultimo sr. Tjon, kier a bolbe enfatisa e importancia pa adkiri e radarnan aki como

e instrumento principal pa loke ta nos primera linea di defensa. Y como cu e radar ta wordo menciona den e presupuesto cu a wordo aproba,

sr. Tjon tin pleno confianza cu a corto plasa pais Aruba lo bolbe tin nan propio radar na nan disposicion y esaki bou maneho di cuerpo policial.



Parlamentario Marlon Sneek (AVP):

‘Awe Jaarrekening di AZV ta desenmascara gobierno MEP/POR/RED’

ORANJESTAD - Ta algo hopi serio y tambe di lamenta ora cu scucha integrantenan di MEP sigui trata di hustifica loke nan a yama ‘crisisheffing’ lo ta debi na maneho di gobierno di AVP.

Parlamentario Marlon Sneek ta mostra, cu a bira un customer caba cu partido MEP pa trata di manipula su falta di capacidad pa goberna e pais aki. Manera cu nan a priminti pueblo cu nan lo haci pero ta haciendo net lo contrario cu un gañamento sin precedente. “Ya caba gobierno di MEP a dal pueblo un cara abou cu aumento di accijns riba gasolin pa e haya 10 miyon extra pa su presupuesto sin cu a cumpli cu e promesa di busca gasolin mas barata pa pueblo for di un otro caminda.

Fuera di a mal informa pueblo riba gasolin, por señala cu e ‘jaarrekening’ di AZV a keda entrega, caminda nos por mira con gobierno ta manipula pueblo; ora cu nos por a tuma nota cu AZV lo manda gobierno un suma di 5 miyon florin cu nan a haya di mas for di gobierno. Anto tur hende por corda cu den presupuesto, gobierno a bin bisa cu AZV mester di placa extra. Cu awor ta resulta di ta otro gañamento di gobierno y ta di lamenta cu tin parlamentario cu ta sostene gobierno, ta presta su mes, pa yuda gobierno mal informa pueblo.

E tipo di mentiranen aki no ta bay pasa mas, pasobra gabinete Mike Eman I y II a garantis cu e pais aki tin tur su ‘jaarrekening’. Loke ta pone cu asina un mandatario gaña, den un par di luna nan ta gara su persona ta gaña, pa motibo cu tin cuenta anual pa controla tur esakinan. Un ehempel cla di esaki ta; e caso di AZV caminda cu awor cu cifranan a sali por mira cu den presupuesto 2017 taba-



tin un suma di 60 miyon pa AZV y si mira e cifranan den e cuenta anual AZV awe ta 28 miyon so mester a duna AZV pues cu ta 30 miyon di mas.

Esaki ta otro ehempel cu gobierno kier crea un asina yama ‘perfect storm’ pa bati pueblo cu medida pero ta cosnan cu dificil por keda scondi; ya cu tin cuentanan anual pa mira tur loke a pasa cu placa di pueblo. Pues e mentira cu mester bin cu crisisheffing pa motibo cu entre otro AZV mester di mas placa. Ta otro mentira di gobierno pa cu pueblo, pero tur esaki ta pa hustifica cu gobierno actual a aumenta su gastonan cu mas cu 100 miyon florin y kier papia di un desaster cu AVP laga atras y cu mester bin cu e crisisheffing.

Ta 100 miyon na gasto adicional en comparacion cu presupuesto 2017 y ya caba nos por a mira con Raad van Advies a cuestiona gobierno; cu el a tuma mas cu 100 hende adicional den servicio pero ta papia di desaster financiero. Pero den tur e desaster aki, gobierno ta aumenta su gasto cu mas cu 100 miyon extra.

Cifranan di Aruba ta na ordo, no por gaña mas y loke a resta ta pa gobierno sigui grita cu cos ta malo, sperando cu nan por convence pueblo pero e realidad ta lanta na cabes ya cu tin cuentanan anual pa confirma tur loke a wordo haci.

Ainda gobierno no por splica pueblo ta na unda e desaster financiero ta; pasobra por scucha nan papia di proyectonan di public-private partnerships (PPP), pero aki nos tin cu bisa cu gobierno di AVP for di 2015, nos a cuminsa paga proyectonan di PPP, sin conta e proyectonan di PPP na 2009 cu nos a bin haya di gobierno di MEP manera e palacio di Husticia, Infragebouw, Belfin, warda di polis na Noord, edificio di ATA.

Tur tabata proyectonan di PPP cu gobierno di AVP a paga sin papia nunca di crisis, y proyectonan di PPP cu AVP a traha manera edificionan di MFA, tur tabata wordo paga for di 2015 bin ariba y tur e storianan riba crisis ta un storia sin sentido ya cu tur tabata wordo paga caba,” asina sr. Sneek ta mostra.

Aurora
Funeral Home

Tel: 593-0857 / 588-6699 / 560-1403
Fax: 588-6698

*Señor ta mi Wardador, pues mi no tin falta di nada;
den cunuku yen di yerbe berde E ta pone mi sosega.
E ta hiba mi na fuente di awa fresco pa mi bolbe
haña forsa.
Salmo 23*

**Agradecido pa tur locual nos por a comparti cu ne y
cu profundo tristesa na nos curason pero conforme cu
boluntad di Dios nos ta anuncia fayecimento di :**



Sr. Luis Guerrero

Miher conoci como “Tico”
*31-08-1939 - †07-05-2018

Acto di entierro lo wordo anuncia despues

Aurora
Funeral Home

Tel: 593-0857 / 588-6699 / 560-1403
Fax: 588-6698

“Señor ta mi wardador, mi’n tin falta di nada
Den cunucu di yerba berde e ta ponemi
sosega.

E ta hibami na awa tranquil,
Pa mi bolbe haña forsa”.

Salmo: 23

Nos ta anuncia fayecimento di:



Ofelia Beatriz Kock-Silva

*04-02-1934 - †11-05-2018

Acto di entierro lo wordo anuncia despues





Van Rensselaerstraat 2
Tel. 584-2299 - 7372299
Family owned and operated
Since 1997

2 Tim 4:5-8

With deep sorrow and a joyful heart we announce the passing away of our beloved wife, mother and grandmother.



Jeanette Williams-Pierre

Better known as “Oma” or “Jay”
Sunrise: November 30, 1939
Sunset: May 3, 2018.

Husband: Ivan (Eric) Williams

Children: Kennrick (Kenny) & Shamilla Williams Haynes, Sharon & Angel (Rick) Rasmijn Williams, Allen Williams & Miguelina (Migi) Flores, Casimire Williams and Loretta Eliese Johnson her caretaker

Grand children: Vilnette (Julie) & Vance Browne Williams, Ivan, Sean & Talitha Williams, Marc Rasmijn, Shanon & Alenis Williams, Evan Gei
Great grandchildren: Daevion, Deanise & Drayden Browne

Brother: Errol Dillon in Trinidad

Sisters: Ann (Rose) Quarless in USA and Margaret (Magna) Degale in Grenada
As her sister: Alberta Burke

Nieces & Nephews: Jeanette Bailey, Marcia Berkeley, Alison Franklin, Keith Franklin, Annette Junkere all with their families in England, Gregory & Hazelann Quarless in USA, Larry, Kenny, Alex, Janice, Linda, Ann Degale in Canada, Hayden, Jason, Rian, Kerron and Stefan Dillon in Trinidad, Ian Williams, Marylin Spencer & family, Tony Williams with brothers & sisters.

Cousins: Edrice Thomas with brothers & Sisters in USA, Mirtle Samuel with brothers & sisters in USA and Anguilla, Grecille Peppers with brothers & sisters in USA, England and St. Vincent, Vera Ferguson in England

God daughter: Yvonne Williams in St. Vincent

Close friends: Francisca Arrindell, Joanna Baarh, Monica Gumbs, Linda Hazel and Jacqueline van Heyningen

Brothers and Sisters of the Evangelical Church of San Nicolaas, members of Vivont & Chanton and Cantaruba, Neighbors of Palisiaweg

Family Williams, Pierre, Barriteau, Dillon, Quarless, Thomas, Samuel, Franklin, Degale, Berkely, Bailey, Junkere, Wernet, Haynes, Rasmijn, Flores, Browne, Gei, Burke, Gumbs

The service to celebrate her life will be held on Monday, May 14 at 4pm at the evangelical Church of San Nicolaas. Jasmijnstraat 7, San Nicolaas. Before the service the body of Jeanette will be laid to view from 2pm to 4 pm at the Evangelical Church of San Nicolaas.

We apologize if in our grief we forgot to mention your name or misspelled it.



Tel: 593-0857 / 588-6699 / 560-1403
Fax: 588-6698

Ki alegria, ora nan a bisa mi:
"Ban cas di Señor!"
I awor, ata mi aki para na bo porta Señor.
Salmo 122

Cu inmenso dolor na nos curason pero conforme cu boluntad di Dios, nos ta anuncia fayecimento di nos querida mama, wela, ruman y tanta



Sra. Margot Boekhoudt

Cariñosamente yama: Chichi of Margo
25 april 1940 – 11 mei 2018

Na nomber di su yiu:

Linda Croes y esposo Francis Kelly

Su nieta stima: Anjelica Kelly

Su rumannan:

Eligia Navas-Boekhoudt
Frans Boekhoudt
Filomena Faro-Boekhoudt

Su swa: Etley Lasten

Su subrino(a)nan:

Ivonne Navas y Roberts Schouwenaars
Milly Navas y Igor Hasham
Judith Boekhoudt y Maximo Lampe y yiunan
Edith Boekhoudt y Mario Kwidama
Debby Boekhoudt y Joselito de Andrade y yiu.
Sealene Navas y Siegfried Kelly y yiu
Marvin Faro y yiunan
Mightel Faro
Rafael Lasten

Suegro y suegra:

Emiliano y Ana Kelly y famia

Su omo y tantanan:

Bernadina (Tantina) Croes y yiunan
Alicia Boekhoudt
Cloutilda (Tantichi) Croes
Martina Boekhoudt
Juan Boekhoudt
Sira y Silvio Vrolijk y yiunan
Emilia (Mia) Boekhoudt y yiunan

Su bon bisiñanan

Theresita y Tony Croes y yiunan
Andrea Croes y yiunan

Tur demas sobrino(a)nan, swa y cuñanan, primo(a)nan, amigonan, conocirnan, ex-coleganan di Texas y demás famia

Ta invita pa e acto di entierro cu lo tuma lugar diaranson 16 di mei 2018 na Aurora Funeral Home di 2’or pa 4’or di atardi, despues saliendo pa Santana Catolico na Paradera.

Nos disculpa si den nos tristesa nos por a lubida un of otro famia.

Despues di entierro nos no ta ricibi bishita di condolencia na cas.



Tel: 593-0857 / 588-6699 / 560-1403
Fax: 588-6698

Cu inmenso dolor y tristeza na nos curason pero conforme cu boluntad di Dios nos ta anuncia fayecimento di nos casa, tata, suegro, welo y ruman:

**Isaias “Chai”
Koolman**

*5-11-1944 † 07-05-2018



Casa: Bertha Koolman-Wester

Yiunan: Angelique (Sint Maarten)

Robertino “Tutu”

Jean-Marie “Jeany” y Vicky Birbal (Trinidad)

Nietonan stima:

Jeandrew y Jeanvick Birbal (Trinidad)

Nietanan stima:

Vivica-Marie Birbal (Trinidad) y Danique Koolman (Sint Maarten)

Rumannan:

Carlos y Carmen Koolman-Croes y famia

Roy Koolman y famia

Victoriano y Marjorie Koolman-Maduro y famia

Segundo Koolman y Mena Servud y famia

Thomas “Tommy” Koolman

Lucia Koolman y famia

Heronimo y Mona Koolman-Thiel

Yolanda Geerman y famia

Salome “Meechi” Krosendijk y Ruben Wever y famia (Hulanda)

Alfonso “Fon” Krosendijk y Mirlanda Tromp y famia

Coby y Voca Krosendijk-Eckmeyer y famia

Manera yiu: Ronny Dix y famia (Hulanda)

Su Cuñanan y swanan, comer y compernann, subrino y subrinanan na Aruba, Corsow y Hulanda

Iha: Ranyid Wester

Bisiñanan, amistadesnan, conocirnan y demas famia:

Koolman, Wester, Birbal, Krosendijk, Geerman, Croes, Maduro, Servud, Naranjo, Williams, Thiel, Eckmeyer, Kelly, Roga, Semeleer, Peña, Wever, Dubero, Dix, Angela, Werleman, Kock, Vrolijk, Lie-Hap-po, Quant, Ras, de Mei, Montsanto.

Ta invita pa acto di intiero cual lo tuma lugar diamars 15 mei 2018 na Misa Immaculata Concepcion Santa Cruz for di 2’or te 4’or atardi, despues lo hiba Chai na su ultimo lugar di sosiego pa Santana Catolica Maria na Santa Cruz.

Oportunidad pa condolencia: Dialuna 14 mei 2018 for di 7’or pa 9’or di anochi na Aurora Funeral Home.

Envez di krans y flor lo tin un box disponibel pa donashon pa fundashon CVA.

Despensa nos si den nos tristesa nos por a lubida un of otro famia.

Danki pa e comprension.

Despues di entierro nos no ta ricibi bishita di condolencia na cas.



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado di Sorteo 13 May 2018

CATOCCHI
Sorteo # 2206
5475
5368
7920
BIG 4
Sorteo # 2206
9619
1OFF
Sorteo # 262
2620
ZODIAC
Sorteo # 2206
8280
Cancer
KORSOU
Sorteo #

LOTTO 5	
Sorteo #	Joker Letter
0 x Jackpot	
0 x Match 4+	
0 x Match 4	
0 x Afl. 12,00	260.000,-

LOTTO IN DIA	10-12-22-24-25
Sorteo # 4406	Proximo Jackpot
0 x Jackpot	
5 x Match 4	53.000,-
75 x Afl. 8,00	

MINI MEGA	
Sorteo #	Mega Ball
0 x Jackpot	
0 x match 4	
0 x Afl. 500,00	
0 x Afl. 50,00	310.000,-
0 x Afl. 15,00	

MINI MEGA	Afl. 410.000,-
MEGA PLUS	

Bo cadena di number di suerte
ta presenta resultado di awe

12 Mei 2018	13 Mei 2018
DIARIO 3659-3902-1690	DIARIO 9080-6425-9908
12 Mei 2018	13 Mei 2018
SUPER 4 4233	SUPER 4 3498
13 Mei 2018	
Sto. Domingo 3408-4641-8525	
12 Mei 2018	13 Mei 2018
FLAMINGO 0839-9086-7461	FLAMINGO 0454-2967-5719



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado di Sorteo 12 May 2018 Anochi

CATOCCHI
Sorteo # 6475
9899
2531
3854
BIG 4
Sorteo # 5519
3227
1OFF
Sorteo # 224
2615
ZODIAC
Sorteo # 4278
6467
Libra
KORSOU
Sorteo # 2053
7605
3030
0254

LOTTO 5	03-10-19-23-35
Sorteo # 1897	Joker 33 Letter J
0 x Jackpot	
0 x Match 4+	
4 x Match 4	260.000,-
102 x Afl. 12,00	

LOTTO IN DIA	01-07-10-15-19
Sorteo # 4405	Proximo Jackpot
0 x Jackpot	
9 x Match 4	52.000,-
99 x Afl. 8,00	

MINI MEGA	
Sorteo #	Mega Ball
0 x Jackpot	
0 x match 4	
0 x Afl. 500,00	
0 x Afl. 50,00	310.000,-
0 x Afl. 15,00	

MINI MEGA	Afl. 410.000,-
MEGA PLUS	



Aries

Bo por sinti cu bo curason ta hungando cu bo. Porta lo bo enfrenta un forza cu ta pone bo duda na un manera den bo mes. Bo numbernan di awe 9, 26, 35 y 43.



Tauro

Awe lo yega bo un cantidad di comunicacion no spera, pero tin cuidou cu e personanan di bo confiansa. Tin un elemento di fantasia cu bo mester tene na cuenta. Bo numbernan di awe 3, 16, 22 y 33.



Geminis

Ta posibel cu awe personanan no ta hopi comprensivo cu bo sentimentonan. Ta posibel cu nan ta mas sensibil di e echonan y e informacion cu e emocionnan. Bo numbernan di awe 8, 25, 34 y 42.



Cancer

Awe bo por sinti cu hendenan a bira contra bo y cu diripiente nan a perde interes den loke bo kier bisa. Porta esaki ta un refleho di bo propio incapacidad pa scucha e berdad di otro. Bo numbernan di awe 7, 24, 33 y 41.



Leo

Laga bo emocionnan hunga cu bo imaginacion y no duda na discuti abiertamente bo hallazgo cu otro. No keda atrapa pa un estado di animo racional cu ta nenga bo na reconoce cualkier forma di situacion actual. Bo numbernan di awe 6, 23, 32 y 40.



Virgo

Confia cu bo ta dispone di tur datonan cu bo mester awe. Bo mester sinti hopi emocionalmente. Uza e confiansa aki pa haci un progreso grandi na loke bo kier logra. Bo numbernan di awe 5, 22, 31 y 42.



Libra

Bo por topa cu emocionalmente bo ta wordo desafia pa un forza grandi cu ta exige bo atencion. Bo exceso di consciencia dilanti cada situacion por ta perhudicial. Bo numbernan di awe 4, 21, 30 y 41.



Scorpio

Awe bo tin e oportunidad di haci un poco di propio sanacion intenso, asina ta comunica cu bo propio nucleo sin e distraccion di otro persona. Bo numbernan di awe 3, 20, 39 y 40.



Sagittario

Bo por sinti un poco di confusion den relacion di estado di animo di dia, loke ta faborece un accion lihe y un acercamento na cosnan sporadico. Bo numbernan di awe 14, 22, 31 y 40.



Capricornio

Sinti bo liber awe di combina bo carsonnan di cuadro cu bo camisa di casimir. Añadi un mea deportivo yamativo y un jacket strepia. Bo numbernan di awe 9, 26, 28 y 40.



Aquario

E realisacion di un obhetivo na plaso largo por haci bo sinti entusiasmo, cu energia y feliz. Tambe ta probabel cu bo ta mira e futuro, formulando ideanan pa otro proyecto y discuti nan cu amigonan. Numbernan di suerte pa awe: 8, 11, 28 y 30.



Pisces

E energia di dia ta electrico y bo por haya bo ta bula di un tarea pa otro y di persona na persona. Bo numbernan di awe 2, 26, 35 y 43.



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

Fundacion Hende

Muhe den dificultad
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19 Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Ned Rode Kruis

Perdo Gallegostraat 14 Aruba
297-588-3376

Famia Planea (SBVO)

Avenida Milio J Croes 17 B Aruba
297-588-9591

www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081

A1 Taxi Services Aruba

Italiestraat 50 lokaal 7
Tel: 587-8850
Tel: 280-2828

Whatsapp: 592-7024

E-mail: a1taxiservices.
aruba@hotmail.com

Mobility Equipment Hire

Tel: 568 5165

Dokter na warda



Oranjestad
Dr. Adriaenssens
Tel. 586 3434

Botica na warda

Oranjestad:
Trupiaal Tel. 583 8560

San Nicolas
Aloe Tel. 584 4606

SERVICIO DI TAXI

Aruba Transfer Tour & Taxi C.A.

Pos Abao #41

P.O.Box 723 Aruba

Tel: 582-2116 / 582-2010

Fax: 583-6988

Taxi Adres Service (24h)

L.G. Smith Blvd. #234

Oranjestad Aruba

Tel: 587-5900

Fax: 587-1928

E-Mail: tas@setarnet.aw



Schedule may 2018

			ARR	DEPT	BERTH
WED	02	ADVENTURE OF THE SEAS	07.00	23.00	C
		MONARCH	06.30	15.30	B
THU	03	CARNIVAL CONQUEST	08.00	16.00	C
TUE	08	CELEBRITY EQUINOX	11.00	23.59	C
WED	09	MONARCH	06.30	15.30	C
THU	10	CARNIVAL VISTA	06.45	16:00	C
SAT	12	SEVEN SEAS NAVIGATOR	07.00	17.00	C
WED	16	MONARCH	06.30	15.30	B
		CARIBBEAN PRINCESS	07.00	17.00	C
MON	21	CARNIVAL SUNSHINE	12.000	22.00	C

EMERGENCIA

911

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Ad Patres	584-2299
Olive Tree	584-8888
Royal Funeral H.	586-4444

Centrale Bank van Aruba Daily Exchange Rates - 05/11/2018



CENTRALE BANK VAN ARUBA

Currency ¹	Buying from Public ²	Buying from Public ³	Selling to Public
ANG	98.00	100.00	100.20
ANG ⁴	-	-	100.00
USD	1.77	1.78	1.80
CAD	1.38	1.40	1.42
CHF	177.90	178.62	179.42
GBP	2.35	2.40	2.46
JPY	161.47	162.95	164.59
EUR	210.63	212.55	214.69
DKK	27.55	28.27	29.07
NOK	21.27	21.99	22.79
SEK	19.69	20.41	21.21

For amounts up to Afl. 100,000

Trekkingslijst van de Landsloterij N.A.

10de trekking																									11 Mei 2018																								
-----																									-----																								
TIEEN																									DUZEND																								
TALLEN																									DUZEND																								
-----																									-----																								
19 150																									19 150																								
40 150																									40 150																								
*****																									*****																								
1STE																									1STE																								
PRIJS																									PRIJS																								
*****																									*****																								
65 2000																									65 2000																								
66																									66																								
200000																									200000																								
67 2000																									67 2000																								
*****																									*****																								
67 150																									67 150																								
86 150																									86 150																								
-----																									-----																								
HONDERD																									HONDERD																								
TALLEN																									TALLEN																								
-----																									-----																								
103 150																									103 150																								
104 150																									104 150																								
114 150																									114 150																								
121 150																									121 150																								
141 150																									141 150																								
156 150																									156 150																								
165 1000																									165 1000																								
169 150																									169 150																								
199 150																									199 150																								
202 150																									202 150																								
218 150																									218 150																								
242 150																									242 150																								
279 150																									279 150																								
283 150																									283 150																								
286 150																									286 150																								
293 150																									293 150																								
331 150																									331 150																								
334 150																									334 150																								
367 150																									367 150																								
383 150																									383 150																								
389 150																									389 150																								
390 150																									390 150																								
405 150																									405 150																								
411 150																									411 150																								
423 150																									423 150																								
425 150																									425 150																								
458 150																									458 150																								
472 150																									472 150																								
474 150																									474 150																								
539 150																									539 150																								
548 150																									548 150																								
556 150																									556 150																								
612 150																									612 150																								
638 150																									638 150																								
654 150																									654 150																								
655 150																									655 150																								
671 150																									671 150																								
677 150																									677 150																								
678 150																									678 150																								
680 150																									680 150																								
699 150																									699 150																								
710 150																									710 150																								
727 150																									727 150																								
736 150																									736 150																								
747 150																									747 150																								
798 150																									798 150																								
806 150																									806 150																								
830 150																									830 150																								
892 150																									892 150																								
894 1000																									894 1000																								
922 150																									922 150																								
932 150																									932 150																								
956 150																									956 150																								
EEN																									EEN																								
DUZEND																									DUZEND																								
-----																									-----																								
1022 150																									1022 150																								
1056 150																									1056 150																								
1079 150																									1079 150																								
1081 150																									1081 150																								
1131 150																									1131 150																								
1136 150																									1136 150																								
1143 150																									1143 150																								
1171 150																									1171 150																								
1180 150																									1180 150																								
1202 150																									1202 150																								
1302 150																									1302 150																								
1358 150																									1358 150																								
1386 150																									1386 150																								
1461 150																									1461 150																								
1486 150																									1486 150																								
1487 150																									1487 150																								
1492 150																									1492 150																								
1511 150																									1511 150																								
1551 150																									1551 150																								
1557 150																									1557 150																								
1563 150																									1563 150																								
1571 150																									1571 150																								
1628 150																									1628 150																								
1633 500																									1633 500																								
1652 150																									1652 150																								
1661 150																									1661 150																								
1690 150																									1690 150																								
1691 150																									1691 150																								
1698 150																									1698 150																								
1708 150																									1708 150																								
1715 150																									1715 150																								
1730 150																									1730 150																								
1738 150																									1738 150																								
177 150																									177 150																								
178 150																									178 150																								
1813 150																									1813 150																								
1828 150																									1828 150																								
1837 150																									1837 150																								
1850 150																									1850 150																								
1860 150																									1860 150																								
1884 150																									1884 150																								
1889 150																									1889 150																								
1908 150																									1908 150																								
1908 150																									1908 150																								
1946 150																									1946 150																								
1948 150																									1948 150																								
1962 150																									1962 150																								
1975 150																									1975 150																								
1976 150																									1976 150																								
1985 150																									1985 150																								
2013 150																									2013 150																								
2017 150																									2017 150																								
2037 150																									2037 150																								
2055 150																									2055 150																								
2057 150																									2057 150																								
2103 150																									2103 150																								
2153 150																									2153 150																								
2181 150																									2181 150																								
2195 150																									2195 150																								
2200 150																									2200 150																								
2214 150																									2214 150																								
2320 150																									2320 150																								
2322 150																									2322 150																								
2332 150																									2332 150																								
2334 150																									2334 150																								
2344 150																									2344 150																								
2372 150																									2372 150																								
2376 150																									2376 150																								
2376 150																									2376 150																								

Hoben a rebeldia cu mama y dal un polis na Noord

NOORD - Diasabra pasa di 1or marduga polis tabata pidi pa bay na un cas na Noord unda un yiu homber a lanta cu su mama den cas y ta conoci pa husticia caba.

Na e sitio polis ta yega pa atende cu e asunto y e mucha homber cu curpa fuerte a dal e oficial basta duro den su cara inespera, cu consecuencia esaki a sangra. E polis di biaha ta pidi refuerzo policial pa cos no bay for di man.


Ta trata un mucha homber cu no ta bon di cas y mester atencion pero instancianan na Aruba no ta haci nada y ta core pa esakinan debi cu no tin hendenan specialisa pa atende tipo di hendenan aki pa yudanan cu nan problema. Cu e hoben a haye cu un cuchiu grandi y a tuma esaki den beslag cu mas cos. E mama mes ta man yen cu e yiu homber cu niun hende no ta yudando e y ta spera e haya atencion prome e yiu pensa haci algo cu e mama.



Pickup na candela den cura di cas na San Barbola

ORANJESTAD - Diabierna banda di 11or anochi habitantenan di San Barbola a scucha desordo pafo di cas y ora a bay wak a tuma nota cu e pickup ta na candela.

Di biaha nan a cuminsa domina e candela y a bati alarma na autoridad. Bombero y polis ta yega di biaha y bomberonan a sigui paga e candela pa e no kima e auto completo.



Chauffeur a ranca palo di luz cu auto riba Sasakiweg

NOORD - Banda di Super Food na Bubali un Kia Cerato a accidenta. Segun e chauffeur di edad el a mira un persona crusa y pa evita dal'e a perde control accidenta.

Despues di rato e chauffeur aki a subi Sasakiweg bay nort y polis ta keda informa cu auto a ranca palo di luz caminda di Sasakiweg. Na yegada di polis tabata e mes un chauffeur cu rato prome

a accidenta. E no tabata bou influencia pero chauffeur di edad y wowo a bruhe pone accidenta dos biaha den un rato.



Caribbean Cinemas
caribbeancinemas.com Caribbean Cinemas Aruba

MEGAPLEX 8
ADVANCED SCREENINGS MAY 15 AND 16
DEADPOOL 2
BUY TICKETS NOW

MAY 10 - 14

<p>NEW THIS WEEK! GILLIAN JACOBS MELISSA MCCARTHY LIFE OF THE PARTY WITH SPANISH SUBTITLES MON-FRI 4:45 7:05 9:25 SAT 2:25 4:45 7:05 9:25 11:45 SUN & HOL 2:25 4:45 7:05 9:25</p>	<p>ANNA FARIS EUGENIO DERBEZ OVERBOARD WITH SPANISH SUBTITLES MON-THURS 4:30 6:55 9:20 FRI 4:30 6:55 9:20 11:45 SAT 2:05 4:30 6:55 9:20 11:45 SUN & HOL 2:05 4:30 6:55 9:20</p>
<p>AVENGERS: INFINITY WAR WITH SPANISH SUBTITLES PG-13</p>	<p>CHRIS EVANS ROBERT DOWNEY JR. CXC PREMIUM LARGE FORMAT AUDITORIUM 3D MON-FRI 5:00 8:10 SAT-SUN & HOL 1:50 5:00 8:10 2D MON-THURS 4:10 7:20 FRI-SAT 4:10 7:20 10:30 SUN & HOL 4:10 7:20</p>
<p>LUCY HALE TYLER POSEY TRUTH & DARE MON-THURS 7:15 9:30 FRI & SAT 7:15 9:30 11:45 SUN & HOL 2:45 5:05 7:15 9:30</p>	<p>EMILY BLUNT JOHN KRASINSKI A QUIET PLACE WITH SPANISH SUBTITLES MON-THURS 9:30 FRI & SAT 9:30 11:35 SUN & HOL 9:30</p>
<p>DWAYNE JOHNSON NAOMIE HARRIS RAMPAGE WITH SPANISH SUBTITLES MON-THURS 4:25 6:50 9:15 FRI 4:25 6:50 9:15 11:40 SAT 2:00 4:25 6:50 9:15 11:40 SUN & HOL 2:00 4:25 6:50 9:15</p>	<p>AMY SCHUMER MICHELLE WILLIAMS I Feel Pretty MON-FRI 4:50 7:10 SAT, SUN & HOL 2:50 4:50 7:10</p>
<p>JAMES MCCARTHY EMILY BLUNT SHERLOCK Gnomes WITH SPANISH SUBTITLES MON-FRI 5:15 SAT-SUN & HOL 3:15 5:15</p>	<p>CENDRILLON SAT, MAY 12 • 1:00PM</p>

The Metropolitan Opera
Palm Beach Plaza Aruba | 586.0074
THE MAGIC OF THE MOVIES ON YOUR MOBILE DEVICE
Download on the App Store GET IT ON Google Play

ATA ta organisa e di 34 Annual Tourism Conference Aruba



ORANJESTAD - Un biaha mas Aruba Tourism Authority ta cla pa ricibi mas cu 50 participante principalmente for di e mercado di Norte America pa e 'Annual Tourism Conference Aruba' (ATCA) cu ta tuma luga di 15 di mei te cu 19 di mei 2018.

E participantenan lo consisti di tour operators, aerolineanan local y internacional, hoteleronan representando Aruba den e mercado di Norte America como tambe participantenan local y e ekipo di A.T.A.

Kico ta ATCA

Tur socio y agencianan tin como meta comun pa bende Aruba den exterior. E obhetivo di ATCA ta pa brinda posibilidad pa reforsa e conocimiento di Aruba na e ehecutivonan y pa sigui traha riba e relacion cu e socionan, enfocando asina riba oportunidadnan cu por enrikece nos mercado turistico.

Ademas, participantenan ta comparti practicanan cu ta exitoso, nan metanan strategico, y ta alinea cu A.T.A. su oficina na Merca y Aruba entro otro.

Reunionnan manera esaki ta importante y ta duna un bista strategico riba e aña binidero pa cu Aruba su mercadeo den exterior y den e caso aki den e continente cu ta produci mas bishitante pa nos isla esta Norte America.

Pa e aña aki tin proyecta un crecimiento di 3.6% pa Merca y 3.0% pa

Canada, resultando den un crecimiento di 3.6% pa cu Norte America pa 2018.

Claro esaki ta tene cuenta cu kier atrae esnan cu tin entrada pa por paga un vacacion na Aruba y por laga mas atras den nos economia. Te cu april 2018, Merca a crece cu 6.7% y Canada a aumenta cu 10.5%, resultando den un crecimiento di 7% en total pa e continente aki.

ATCA su programa
Diamars anochi lo tuma luga un recepcion na Hilton Aruba Caribbean Resort & Casino na honor di e participantenan di ATCA.

E apertura oficial lo ser efectua diaranson mainta na unda Aruba Tourism Authority hunto cu Aruba Hotel and Tourism Association AHATA y Aruba Airport Authority N.V. ta yama bonbini na tur e participantenan di ATCA.

Esaki lo tuma luga na Renaissance Convention Center. E participantenan lo atende e conferencia cu oradornan invita y invitadonan / partnernan local unda lo ricibi un palabra di bonbini di CEO di A.T.A. kende lo presenta 'A.T.A.'s Strategic Direction for 2018: The Big Picture'.

CMO di AHATA Jim Hepple tambe lo duna palabra di bonbini y 'Gateway 2030' Expansion Project Aruba Airport Authority N.V. lo ser presenta door di James Fazio CEO di Aruba Airport Authority N.V.

E "Evolution of the North America Creative Campaign", lo ser introduci door di Sanju Luidens, CMO di A.T.A. y finalmente "Authentic Aruba: A first look at the Strategic & Creative Evolution", lo ser presenta door di Gregg Wasiak y John Speers di The Concept Farm, e agencia di 'advertising' pa Aruba pa Norte America.

Atardi e participantenan di ATCA ta participa den actividadnan cu ta yuda nan conoce nos isla su encantonan. Tin un paseo riba boto di bela cu ta pasa dilanti di e costa zuid caminda nan por aprecia diferente beach. Anochi ta spera nan un experiencia cultural y gastronomico den centro di ciudad caminda lo conoce nos artesano y nan obra local cu ta obtenibel na 'Cosecha'.

Diahuebs durante dia, A.T.A. tin sesion di actualisacion caminda e invitadonan lo descubri e 'Path to Happiness.' Asina lo conoce con Aruba ta satisface plenamente diferente grupo 'Niche' manera ta esnan cu ta busca Romance, Gastronomía, Diversion pa Famia, Bienestar, etc.

E programa pa e dia aki ta inclui inspeccion di diferente acomodacion, mientras cu atardi ta continua cu e vitrina (marketplace) turistico, cu ta e parti mas importante di e conferencia aki.

E marketplace ta unda negociacion entre diferente partner local y di e mercado Norte America ta tuma luga. Aki ta profundisa y comparti

informacionnan riba nivel di strategia y tambe iniciativanan di mercadeo enfoca riba inteligencia, innovacion e integracion.

E sesion turistico ta continua den transcurso di diabierna henter dia. Naturalmente, durante e programa, e participantenan tin oportunidad pa experiencia nos isla atravez di jeep tour/ catamaran etc. pa asina nan por aprecia e adelanto di e esfuersonan cu ta haci nos isla mas atractivo pa e turista.

E conferencia ta clausura diabierna anochi cu un recepcion di despedida cu ta tuma luga na Museo Arkeologico.

Di e manera aki Aruba ta sigui engrandecer y fortalece su lasonan, garantizando asina e crecimiento den nos industria primordial cu ta turismo. Aruba Tourism Authority pa medio di entre otro ATCA 2018 ta sigui traha duro pa logra metanan stipula.

Like
us on 
Facebook

facebook.com/bondianoticia

Vacuna keintura geel afectando benta Aruba den mercado Latino

ORANJESTAD – Durante e ultimo evento di Aruba Tourism Authority (ATA), su directora Ronella Tjin Asjoe-Croes, a presenta nan meta di crecimiento di un 17.3% pa 2018 di bishitante for di Latino America (sin inclui Venezuela) dilanti nan socionan principal di e mercado aki cu a participa den LAPMA (Latin America Planning Meeting di Aruba).

Sinembargo den seno di e reunion aki el a sostene algun combersacion riba e impacto den nos turismo cu e exigencia di e carchi geel ta treciendo cu esaki. “Esey ta afectando benta pa Aruba,” segun sra. Tjin Asjoe-Croes. For di luna di maart ultimo, Aruba a dicidi di introduci e exigencia di e vacuna di keintura geel pa tur bishitante di e region aki y esaki ta afecta primordialmente e mercado aki. ATA ta mira den esaki un reto principal, ya cu nos pais ta bin cu e medida aki mientras cu otro pais turistico den Caribe, si no a bin cu e tipo di medida aki. Merca pa cierto mercado tampoco ta pidi e exigencia di e vacuna ey. “Pues e hendenan no ta comprende dicon Aruba si. Dicon Aruba ta papia di cierto risiconan di salud.” Mientras cu tin mercado manera Hulanda, Merca, Inglatera, etc., cu no ta existi esey.




Segun directora di ATA, e tipo di medida aki ta pone e hendenan duda dicon un Aruba ta introduci cierto medidas manera e vacuna pa keintura geel y otro nan no. E logica ta cu si tin peliger otro paisnan mas grandi tambe lo a introduci un medida di e caliber aki. Esaki ta un punto cu nan kier trece na atencion di gobierno y ATA ta trahando riba dje pa e no stroba e desaroyo cu nos turismo tin creciente for di diferente mercado. E asunto di e vacuna aki ta un

reto clave pa ATA. Ya cu pa e turistanan ta keda un proceso basta largo pa cumpli cu e exigencia aki, y tin biaha nan ta prefera di no pasa den dje, y eligi otro destinacion. Esaki tambe tin su consecuencia, ya cu e ta haci nos mercadeo y promocion no efectivo.

Venezuela y eleccion na Colombia

Pero otro reto tin di haber cu e mercado di Venezuela cu ta representa un reto a base di volumen. Aruba a perde a base di ingreso un cifra ainda



no precisa debi na e caida di e mercado aki cu tabata e di dos mas importante pa nos industria turistico. Pero ATA ta trahando pa compensa bon e caida aki cu otro mercadonan di e region aki.

Encuanto e proximo eleccion pa eligi un presidente nobo na Colombia, ATA tambe ta evaluando esaki, ya cu esaki ta forma parti di tur consideracion di e mercadonan cu nos producto turistico ta wordo propaganda y mercadea. Encuestanan na Colombia ta muestra dos candidato, un di derecho y otro di izquierda, ta esunnan cu mas opcion pa gana e eleccion aki, nan ta Ivan Duque y Gustavo Petro. Den su maneho di turismo, ATA ta tene cuenta cu diferente aspecto cu lo por afecta nos turismo, ya cu esaki ta loke nos ta bende. Den esaki nan ta tene cuenta kico ta e

factornan cu ta contribui cu mas demanda of menos demanda pa asina cuminsa evalua su situacion local, segun sra. Tjin Asjoe-Croes.

“E situacion local di cada mercado ta wordo evalua debidamente y bo ta papia akinan di situacion politico, economico, confiansa cu e consumo tin y posibilidad cu e ta bay gasta den cosnan cu ta di luho y nos ta considera un vacacion algo di luho.” Segun sra. Tjin Asjoe-Croes ta inevitabel cu nan ta evalua tur e aspectonan ey di tur mercado unda Aruba ta inverti pa asina nos por tuma e miho decisionnan tambe. Pa esun di Colombia te aworaki no tin preocupacion. Mientras cu e compania Avianca a anuncia vuelonan adicional fei Colombia, tambe tur e proyeccionnan ta muestra positivo for di e mercado aki.

Advertorial

SCORE cu Shell y Gana!

ORANJESTAD - Awor no solamente bo motor ta bay traha mas miho y mas eficiente pero awor cu bo azeta di Shell bo por SCORE y gana nan premio nan manera 50” Flat TV, Playstation 4 cu FIFA 2018, AWG. 250,- of un tremendo bala di futbol di Shell.

Con por gana esaki ta masha facil mes. Cumpra 1 boter di 4L of 4 boter di 1L di zeta Shell Helix of Rimula anto haya un coupon. Yena esaki anto deposita esaki na Kuzeta Aruba.



Premio nan lo ta siguiente:

1. Prome premio ta un FlatScreen 50” hunto cu un Playstation 4 cu su wega di FIFA 2018
2. Di Dos premio ta un Playstation 4 cu FIFA 2018
3. Anto por ultimo por gana AWG.250,- cash

Banda di esaki cada siman Shell lo saca 10 ganado cu lo gana un bala di futbol di Shell

“Nos ta contento di por anuncia e gran campaña aki”, Edward-John Marchena di Kuzeta Aruba distribuidor di Shell aki na Aruba a cuminsa ta bisa. “Ja caba pa varios aña Shell ta lidera e mercado di azeta na mundo dor di ofrece entre otro e tecnologia crea un base oil sintetico for di gas natural perfecto pa bo motor di auto y awor uzando Shell bo por score y gana tremendo premionan.”



Shell ta e unico compania na mundo cu un planta den cual por crea base oil pa lubricantenan for di gas natural. Gas natural ta un combustibel cu ta kima mas limpi y ta pa e motibo aki Shell ta uzando mas y mas gas natural pa diferente solucionnan energetico.

E tremendo campaña di Shell lo core desde awe dialuna 14 di mei y lo termina 17 di juli. E oferta aki ta valido

den tur supermercado, mini market y gas stations aki na Aruba unda por haya azetanan di Shell Helix y Rimula.

Pa mas informacion tocante e campaña aki por yama 587-3582 of bishita e Facebook Page di Kuzeta Aruba. Shell Helix Ultra cu PurePlus Technology ja ta obtenibel na mayoria car dealerships y autoparts stores.